

ЎЗБЕКИСТОН РЕСПУБЛИКАСИ ОЛИЙ ВА
ЎРТА МАХСУС ТАЪЛИМ ВАЗИРЛИГИ
АБУ РАЙХОН БЕРУНИЙ НОМЛИ ТОШКЕНТ
ДАВЛАТ
ТЕХНИКА УНИВЕРСИТЕТИ

“Нефт ва газ конларини ишлаш ва
ишлатиш” кафедраси

Олий таълимнинг
В-540300 “Нефт ва газ иши” йўналиши
учун “Ер ости гидравликаси”
фанидан маърузалар матни тўплами

Тошкент 1999й.

Муаллиф: физика-математика фанлари номзоди,
доцент А.А. Арслонов

Такризчилар: «УзНИТИнефтьгаз» институти лаборатория
мудирин, техника фанлари доктори
А.Х. Агзамов
«Муборакгаз» нефть-газ конлари бошқарма
бош муҳандиси, техника фанлари номзоди
П.Э. Аллақулов

Олий таълимнинг 540 000 «Саноат ва ишлаб бериш» соҳалари В-540300 «Нефть ва газ иши» йўналиши ўқув режасидаги асосий фанлардан бири «Ер ости гидравликаси» фани ҳисобланади.

Ер ости гидравликаси ғовак муҳитда суюқлик ва газларнинг ҳаракати масалаларини ўрганади. Нефть ва газ саноати, гидрология, ирригация, кимё технология жараёнлари, тоғ жинслари механикаси ва шунинг каби бир қанча илмий йўналишларда ғовак муҳитда ҳаракати қонуниятларини билиш қатъий талаб қилинади.

Механика фанининг бу тармоғи амалиётнинг кўпгина соҳаларида қўлланилади, у бир қанча (тривиал бўлмаган физик эффектларга, амалий математика ва ҳисоблаш техникасининг замонавий ютуқларига асосланади, ўз навбатида ўзининг эҳтиёжи ва талаби билан бу фанлар ривожига туртки беради.

Ғовак муҳитда суюқлик ва газлар ҳаракатига бағишланган, фanning йирик намоёндалари қаламига мансуб бир қанча дарслик ва монографиялар мавжуд. Ер ости гидродинамикаси бўйича Л.С. Лейбзон, В.Н. Шелкачев, Б.Б. Лапук, М. Маскет, А. Шейдеггер, Р. Коллинз ва бошқа бирқанча дарслик ва монографиялар шулар сирасига киради.

Аmmo шу кунгача ер ости гидродинамикаси бўйича ўзбек тилида дарслик ёхуд монография ёзилмаган.

Каминга бу бўшлиқни тўлдириш мақсадида кейинги бир неча йил давомида Тошкент Давлат техник Университетининг нефть ва газ куллийети талабларига ўқиган маърузалар асосида мана шу мўъжазгина маърузалар тўпламига тартиб бердим.

Бадний ифода бобида ниҳоятда бой, гўзал ва чуқуртарихга эга бўлган она тилимиз илмий - техник жиҳатдан маълум сабабларга кўра XX аср тараққиёти натижаларини ифодалашда ҳозирги ўтиш даврида баъзи бир ҳолларда қийинчиликлар ва иккиланишга учраб турибди. Атамашунослик соҳасида олиб борилаётган изланишлар тез орада бу қийинчиликларга барҳам беришга аминмиз.

Шу сабабли давлат тилида илк бор ёзилган бу тўплам албатта камчиликдан холи бўлмас.

Хусусан нефть ва газ соҳаларининг русча-ўзбекча атамалар луғатида углеводород сўзи «карбонсувчил» деб таржима қилинган. Углерод ва водород бирикмалари қаторини ифодаловчи бу сўзни таржима қилиш зарур микан деган истихолоа билан биз ушбу қўлланмада ўзбек тилида ҳам углеводород сўзини ишлатдик. Шунга ўхшаш бошқа сўзлар ҳам учраши мумкин.

Ушбу маърузалар тўплами мавжуд бирор дарсликнинг таржимаси эмас, у муаллифнинг фикрича ер ости гидродинамикаси фанининг физик

моҳияти, эришилган бугунги ютуқлари, амалиёт учун зарур бўлган асосий масалалари ва уларни ечиш усулларини тушунишга қаратилган.

Тўшамнинг ҳажми ва унга ажратилган муддатнинг талаби билан баъзибир масалаларда батафсилроқ тўхталмиш имкони бўлмади.

Қўлланма нефть ва газ конларини ишлаш ва ишлашни мутахассислиги бўйича бакалаврлик ва магистрлик курсларида таҳсил олаётган талабалар, шу йўналишларда илмий изланишида бўлган аспирантлар, илмий тадқиқот институтлари мутахассисларига мўжаллаган.


2 - маъруза

Ғовак муҳит ва унинг хусусиятлари. Ғовак жисмининг тузилиши ва таснифи.

Ғовак жисм деб, ҳар бирининг ўлгами жисмининг ўлчамидан жуда кичик бўлган ва тартибсиз жойлашган кўп сонли бўшлиқларга (ғовакликка) эга бўлган жисмга айтилади.

Кўпгина табиий ва сунъий жисмлар ғовакдирлар. Мисол тариқасида челақдаги қум, оҳақтош, тахта, нон бўлағи, кесак ва ҳоказоларни кўрсатиш мумкин.

Ғовак жисмининг тузилиши, ундаги бўшлиқларнинг катталиги жуда хилма-хилдир (1-расм).



1 Расм. Табиий ғовак жисмларга мисоллар.

- А - қирғоқдаги қум, Б - қумтош,
В - оҳақтош, Г - жавдар нони бўлағи,
Д - ёғоч, Е - одам ўпкаси.

Шунга қарамай жисмлардаги ғовакликни маълум даражада таснифлаш мумкин. Агарда ғовак жисм ва суюқлик орасидаги ўзаро муносабатдан келиб чиқадиган бўлсак, ғовакликларни учта асосий гуруҳларга бўлиш мумкин. Жуда кичик бўшлиқларда суюқлик ва жисм орасидаги молекуляр кучлар таъсири ниҳоятда катта бўлади. Бундай бўшлиқлар молекуляр ғовакликлар деб юритилади. Жуда катта йирик бўшлиқларда суюқлик ҳаракатида жисм яъни бўшлиқ деворининг таъсири

ҳал қилувчи роль ўйнамайди. Бундай бўшлиқларни коваклар дейлади ва ниҳоят, катталиги жиҳатидан молекуляр ғовакликлар ва коваклар оралиғида жойлашган бўшлиқларга ғоваклар дейлади.

Ғоваклар ўзаро боғланган - очиқ ёхуд боғланмаган - ёпиқ бўлиши мумкин. Суюқлик фақатгина очиқ, ўзаро боғланган ғовакликларда ҳаракат қилиши мумкин. Ўзаро боғланган ғовакликлар актив ғоваклар, барча ғоваклар умумий ғовакликни ташкил этади.

Баъзан ғоваклар ҳам катталиги жиҳатидан таснифланади. Хусусан оҳактош ва доломитларда тоғ жинси (жисм)нинг эриши натижасида ҳосил бўлган унча катта бўлмаган бўшлиқлар жеодлар ва улар ташкил қилган ҳажм жеод ҳажм дейлади.

Ғовак жисмлар тузилиши жиҳатидан тартибланган ва тартибсиз ғоваликка эга бўлади. Масалан, бир хил катталикидаги шарларнинг мунтазам равишда жойлашиши натижасида тартибланган ғоваликка эга бўлган жисм ташкил топади. Бир бўлак нон эса, тартибсиз ғовакликларга эга бўлган жисмга мисол бўла олади.

Ғовак жисмнинг тузилиш ва хусусиятлари.

Сунъий ва табиий ғовак жисмларда бўшлиқлар тартибсиз равишда жойлашган. Шу сабабли бундай жисмларнинг тузилиши фақатгина статистик жиҳатдан тавсифланиши мумкин.

Бироқ, бундай жисмлар ичида суюқликнинг ҳаракати макроскопик нуқтан назардан аниқ катталиклар воситасида ўрганилиши мумкин. Бундай ҳалат газларнинг кинетик назариясидаги ҳалатга жуда ўхшайди иккала ҳолда ҳам ўзгарувчи катталиклар микрокопик жиҳатдан тасодифий миқдорлар сифатида талқин қилинмоғи керак бўлса, макроскопик жиҳатдан ўрганилганда бир нечта тўла аниқланиши мумкин бўлган ўзгарувчи катталикининг киритилиши кифоя.

Масалан: ҳажм, босим, ҳарорат ва ҳоказо.

Ғовак жисмлар макроскопик хоссаларининг микрокопик хусусиятларига боғлиқлигини ўрганиш бир қанча назарияларга мавзу бўлган. Бу назарияларнинг кўпчилигида ғовак жисмларнинг макроскопик хусусиятлари билан ғовакликнинг ўлчам жиҳатидан тарқалиши орасидаги боғлиқлик ўрганилган. Баъзи бир назарияларда жисм макроскопик хусусиятини унинг скелетини ташкил қилувчи доналар катталиги тақсимотига боғлиқлиги ўрганилган.

Бу назариялар ғовак муҳитда юз берадиган жараён физикасини ўрганишга бирмунча ёрдам берсада, макроскопик масалаларни ечишга қўллашга ярамайди.

Ғовак муҳитда суюқликларнинг сирқиши макроскопик назариясини икки хил йўл билан тузиш мумкин. Улардан бири статистик, микрокопик қонуниятлар асосида муайян макроскопик қонуниларни келтириб чиқаришга асосланган (газлар кинетик назарияси асосида Бойл-Мариотт қонунининг келтириб чиқарилиши сингаги).

Иккинчиси асосий макроскопик қонуларни шунинг тажриба натижаларига таяниб чиқаришга асосланган.

Ғовак муҳитда суюқликлар ҳаракатининг мавжуд барча статистик назариялари макроскопик ҳодисаларни ўрганишга яроқсиз эканлигини назарда тутиб, амалда иккинчи-ҳаракат қонуларини тажриба натижаларига таяниб чиқариш йўли қўлланилади.

Микроскопик жараёнлар ва жисмнинг тузилиш хусусиятлари шунчаки макроскопик жараёнларни талқин қилиш мақсадида ўрганилади.

Кейинги параграфларда ғовак муҳитда суюқликлар ҳаракатини ўрганишда муҳим аҳамиятга эга бўлган макроскопик хусусиятлар ҳақида сўз боради. Бу хусусиятларнинг барчаси жисмнинг етарлича катта ҳажмга ва шу сабабли жуда кўп миқдордаги ғовакликларга эга бўлган намуналари учунгина ўришлидир.

Ғоваклик

Ғовак жисмнинг ғоваклиги ёхуд ғоваклик коэффициентини деб, ундаги бўшлиқлар эгаллаган ҳажмнинг жисм умумий ҳажмига нисбатига айтилади ва m ҳарфи билан белгиланади.

$$m = \frac{V_*}{V_1} = \frac{\text{бўшлиқлар ҳажми}}{\text{умумий ҳажм}}$$

демак, бу катталиқ ўлчов бирлигига эга эмас. Икки хил ғоваклик мавжуд: абсолют, ёки умумий ғоваклик ҳамда актив ғоваклик. Жами бўшлиқлар ҳажмининг намуна умумий ҳажмига нисбати абсолют ғоваклик дейилади.

$$(V_{10} - V_y - V_6)P_1 = (V_{10} - V_y + V_6 + V_2)P_2$$

ёки

$$(V_{10} - V_y + V_6)(P_1 - P_2) = V_{20}P_2$$

бундан

$$V_{10} - V_y + V_6 = V_{20} \frac{P_2}{P_1 - P_2}$$

келиб чиқади.

Бу тенгликда бўшлиқ ҳажми V_6 дан бошқа барча катталиқлар бизга маълум бўлганлигидан намудаги актив бўшлиқ ҳажмини ҳисоблаш учун

$$V_6 = V_y - V_{10} - V_{20} \frac{P_2}{P_2 - 1} \quad (1)$$

формулага эга бўламиз.

Намунадаги ўзаро боғланган бўшлиқлар ҳажмининг умумий ҳажмга нисбати - актив ғовакликни ташкил қилади.

Кўнгина вулканик тоғ жинслари умумий ғоваклиги юқори бўлишига қарамай нисбатан кичик актив ғовакликка эга. Актив ғоваклик жисм унгузучанлигига таъсир қилади, ammo уни тўла характерлай олмайди.

Ғовак жисмга таъсир этувчи кучлар мувозанатининг бузилиши натижасида унинг сиқилиши жисм ғоваклигининг камайишига, ва аксинча

физик эрозия, ишқор билан ювилиш жараёнлари ғовакликнинг ортишига олиб келади.

Ғовакликни ўлчаш усуллари

Ғоваклик тушунчасига берилган таърифдан кўриниб турибдики унинг қийматини ўлчаш учта катталик – жисм умумий ҳажми, ундаги бўшлиқлар ҳажми ва жисм скелетини ташкил қилувчи тоғ жинслари ҳажмидан ихтиёрий иккитасини ўлчаш кифоя.

Бевосита ўлчаш усули

Бунда аввал жисм (намуна)нинг умумий ҳажми ўлчанади, сўнгра намуна эзиб талқон ҳолига келтирилади ва ҳосил бўлган талқон ҳажми ўлчанади. Маълумки намуна талқон ҳолига келтирилганда ундаги ғовакликлар йўқолади, демак талқон ҳолига келтирилгандаги намуна ҳажми уни ташкил қилувчи тоғ жинсларининг ҳажмидан иборат. Ундаги бўшлиқлар ҳажми эса умумий ҳажмдан тоғ жинслари ҳажмининг айирмасига тенг, яъни:

$$V_6 = V_y - V_c$$

бу ерда V_c - скелет, яъни тоғ жинсларининг ҳажми.

Газнинг кенгайишига асосланган усул

Келтирилган бевосита ўлчаш усули ёрдамида умумий ғоваклик аниқланади. Ғовак муҳитда суюқлик ҳаракати фақат актив ғоваклик орқали амалга ошади.

Актив ғовакликни ўлчашнинг энг тарқалган усули, газни кенгайишига асосланган усулдир. Бу усулга мувофиқ намуна ҳаво ёки газ билан тўлдирилган идишга жойланади. Сўнгра бу идиш иккинчи ҳавоси сўриб олинган идиш билан боғланади. Иккала идишнинг ҳам ҳажмини билган ҳолда уларни ўзаро боғлаш натижасида биринчи (намуна солинган) идиш босимининг ўзгаришини ўлчаб, Бойл-Мариотт қонунига мувофиқ намунадаги актив бўшлиқ ҳажми қуйидагича аниқланади.

$$V_6 = V_y - V_{1и} - V_{2и} \frac{P_2}{P_2 - P_1} \quad (1.1)$$

Бу ерда: V_6 - намунанинг актив ғоваклиги :

V_y - намунанинг умумий ҳажми:

$V_{1и}$ - намуна жойлаштирилган идиш ҳажми:

$V_{2и}$ - ҳавоси сўриб олинган иккинчи идиш ҳажми:

P_1 - бошланғич босим:

P_2 - идишлар ўзаро боғлангандан кейинги босим.

Зичликни ўлчашга асосланган усул

Ғовак жисмининг массаси унинг скелетини ташкил қилувчи тоғ жинслари массасига тенг, яъни:

$$m = \rho_c V_c = \rho_s V_s$$

Бу ерда m - намуна массаси, ρ_c ва ρ_s мос ҳолда скелет (тоғ жинси) ва намунанинг умумий зичлиги.

Демак

$$m = \frac{V_s - V_c}{V_s} = \frac{V_s - \frac{\rho_c}{\rho_s} V_s}{V_s} = 1 - \frac{\rho_c}{\rho_s} \quad (1.2)$$

Намунанинг умумий зичлиги унинг ҳажмини ва оғирлигини ўлчаш орқали аниқланади. Намунани толқонга айлантириб эса уни ташкил қилган тоғ жинсларининг зичлиги (ρ_s) аниқланади. Ўз-ўзидан маълумки бу усул билан умумий ғоваклик ўлчанади.

Суюқлик сингдириш усули

Тоғ жинсларининг намланишига ва сувни шимилишга мойиллигига асосланган ва нефт саноатида кенг қўлланиладиган бу усул бевосита актив ғовакликни ўлчашга имкон беради.

Агар ҳавоси сиқиб чиқарилган намуна сувга ботирилса тахминан бир ҳафта ичида унинг барча бўшлиқлари сувга тўлади ва массаси

$$M' = M + \rho_s V_s \quad (1.3)$$

бунда ρ_s - сувнинг зичлиги (=1)

M - қуруқ намунанинг массаси.

Демак

$$V_s = \frac{M' - M}{\rho_s}$$

Намунанинг актив ғоваклигини аниқлаш учун энди жисм умумий ҳажми ўлчанса бас. Намунани сувга тўйинтириш учун керак бўлган вақтни ҳисобга олмаганда бу усул қўлланилаётганлари орасида энг қулайи ҳисобланади.

3 - маъруза Нисбий юза ва уни ўлчаш

Ғовак жисмининг нисбий юзаси (Σ) ундаги барча ғовакликлар сиртини ҳажмга нисбатига тенг. Ғовак жисм нисбий юзасининг ўлчов бирлиги L^2 .

Нисбий юза тушунчаси кимё саноатида реактор, сирқин ва по алмашилиш колонналарини лойиҳалаштиришда кенг қўлланилади.

Бинобарин кичик доналарнинг бирикишидан ташкил топган ғовак жисмлар йирик доналар бирикмасидан ташкил топганига кўра жуда катта нисбий юзага эга бўлади.

Нисбий юза ғовак жисм ўтказувчанлигини аниқловчи асосий омиллардан биридир.

Ҳар қандай ғовак жисмининг таркибий тузилиши ўта мураккаблиги сабабли унинг нисбий юзасини бевосита аниқлашга имкон йўқ. Шу сабабли ғовак жисм нисбий юзаси статистик усуллар ёҳуд бирор-бир билвосита усул ёрдамида аниқланади.

Статистик усул

Бу усул қўлланилганда намунанинг исталган кесимининг p - марта катталаштирилган фотосурати олиниб, унда жуда кўп марта тасодифий равишда узунлиги L бўлган игна отилади ва:

- игнанинг ғоваклик (бўшлиқ) ичига қадалиши сони h ;
- ғоваклик деворига санчилиш сони s ҳисобланади.

Эҳтимоллар назариясига биноан ғовак жисм нисбий юзаси қуйидаги формула

$$\Sigma = 4\pi c \cdot n / lh \quad (1.4)$$

билан ҳисобланади.

Суюқлик ҳаракатидан фойдаланишга асосланган усул

Ғовак жисм нисбий сирти унинг ўтказувчанлиги унинг ўтказувчанлиги билан боғлиқлиги Козени тенгламаси билан ифодаланади. Амалётда кенг тарқалган, ўтказувчанлик қийматидан фойдаланиб ғовак жисм нисбий сиртини топиш усули ана шу формулага асосланган.

$$K = \frac{Cm^3}{\Sigma^2} \quad (1.5)$$

бунда

K - ўтказувчанлик

C - капилляр трубкаларнинг кўндаланг кесими геометрик шаклига боғлиқ бўлган ўлчов бирлигисиз донмий катталиқ.

m - ғоваклик коэффициенти.

Агар трубкаларнинг кўндаланг кесими доира шаклида бўлса $C=0,5$, квадрат шаклида бўлса $C=0,5619$, тенг томонли учбурчак учун $C=0,5974$.

C - Козени доимийлиги деб юритилади.

Ўтказувчанлик.

Ўтказувчанлик ғовак жисмларнинг жисмга қўйилган босим градиенти таъсири остида ўздан суюқлик ўтказиш имкониятини тавсифловчи хусусиятидир. Бу хусусиятни ифодаловчи параметр бириинчи бор 1856 йилда Француз муҳандиси Дарси томонидан киритилган. Шу сабабли ўтказувчанликни тажрибада ўлчаш мумкин бўлган катталиклар орқали ҳисоблаш тенгламаси Дарси қонуни деб юритилади.

Агар сиқилмайдиган суюқликнинг кўндаланг кесими A ва узунли L бўлган горизантал трубкадаги тўғри чизиқли барқарор ҳаракати қаралса, у ҳолда жисм (трубкани ташкил қилган)нинг ўтказувчанлиги

$$K = \frac{q\mu}{A(\Delta p / L)} \quad (1.6)$$

Бу ерда:

q - суюқликнинг ҳажм ўлчовидаги чиқими;

μ - суюқлик қовушқоқлик коэффиценти;

Δp - L - узунликдаги намунанинг (трубканинг) четларига қўйилган босим фарқи.

Ўтказувчанлик ғовак жисмнинг тузилиш структурасига боғлиқ параметр. Унинг ўлчов бирлиги узунликнинг квадратига яъни юза ўлчов бирлигига тенг. Кўпчилик ғовак жисмлар тузилиш структураси йўналишга боғлиқ. Шу сабабли бундай жисмдан кесиб олинган кубнинг ҳар бир томонига перпендикуляр ҳаракатга нисбатан унинг ўтказувчанлиги ҳар хил бўлади.

Бундай ғовак жисмлар анизотропик жисмлар дейилади. Агарда учала фазовий йўналиш бўйича ҳам жисм бир хил ўтказувчанликка эга бўлса, бундай жисмлар изотропик жисмлар дейилади. Ўтказувчанликнинг энг кўп қўлланиладиган ўлчов бирлиги - дарси (δ).

Агар узунлиги 1 см бўлган куб қарама-қариши томонларига қўйилган босим фарқи 1 атм бўлганда қовушқоқлиги 1сП бўлган суюқликнинг чиқими 1 см³/сек. ни ташкил қилса, бундай жисмнинг ўтказувчанлиги 1 дарси деб қабул қилинган.

яъни;

$$\frac{1(\text{см}^3 / \text{сек}) \cdot 1(\text{сП})}{1,(\text{см}^3) \cdot 1(\text{атм} / \text{см})} \quad (1.7)$$


Ўтказувчанлиги кичик бўлган жисмлар учун дарсининг мингдан бир бўлаги миллидарси қўлланилади.

1мδ=0,001δ.

Тоғ жинсларининг зичланиши.

Зичланиш натижасида нафақат жисм ғоваклиги, унинг ўтказувчанлиги ҳам камаяди. Толасимон жисм (ёғоч, қоғоз, изоляцияловчи жисмлар ва ҳоказо)ларда кескин ўзгариш юз беради ва аксинча бўшоқ жисмларда (қум, қаттиқ доналардан иборат кукун) ўзгариш нисбатан кам сезилади.

Бўшоқ жисмлар ўтказувчанлигини сезиларли даражада ўзгариши учун нисбатан катта сиқувчи куч қўйилиши талаб қилинади. Мустаҳкам жипслашган тоғ жинсларида ўтказувчанликнинг сезиларли даражада камайиши жуда юқори босим таъсиридагина рўй бериши мумкин. Кўпгина материалларда ўтказувчанликнинг босимга боғлиқлиги тўйинганликнинг ўзгариш чизиғига ўхшаш хусусиятга эга. Яъни босимнинг маълум бир қийматидан сўнгги ўсиши ўтказувчанликка деярли таъсир қилмайди. Бу хусусият баъзи бир чўкинди жинслар учун 2-расмда келтирилган.



2 расм. Мустаҳкам жипслашган тоғ жинсларида сиқилишнинг ўтказувчанликка таъсири.
абсцисса ўқи бўйича: сиқувчи куч = 0,07 кг/см²
ордината ўқи бўйича: сиқувчи куч таъсиридаги ўтказувчанликнинг, бундай кучлар таъсир қилмагандаги қийматига нисбати.

Гил қатламларининг бўқинши.

Кўнгина жинслашган қумтошлар таркибида маълум даражада гил ва балчиқ (лоё) учрайди. Бу гил ва балчиқлар кўп миқдорда чучук сув шима олин ва бўқини хусусиятига эга. Бундай тоғ жинслари ўтказувчанлигини ўлчаш учун чучук сув қўлланилганда уларнинг ўтказувчанлиги кескин камайиши мумкин. Бу ҳолатнинг олдини олиш учун ўлчанда ишлатиладиган сувга хлорли натрий ёки хлорли калий тузлари қўшилиб шўрлангирилади.

Ишқорий ювилиш.

Карбон оксидли калцийнинг чучук сувда эриши сабабли, ғовак оҳақтошларда сув сизилиши давомида ғовакликлар деворининг сувда ювилиши юз беради. Бу жараён жисм ўтказувчанлигини ўсишига олиб келади.

Бундай жисмлар ўтказувчанлигини ўлчаш давомида кўрсатилган омилни бартараф қилиш мақсадида карбон оксидли калцийга ўйинтирилган суюқлик қоришмаси қўлланилади.

Тоғ жинслари тузилишининг механик ўзгариши.

Жинслашмаган материалларга қовушқоқ суюқликнинг сизилиши давомида жисмни ташкил қилувчи дона ва заррачаларга маълум миқдорда механик куч таъсир қилади.

Эгри чиқиқлар ўтказувчанликнинг ҳар хил қийматига мос келади (миллидарси ҳисобида): 1-3,86; 2-40,8; 3-45,0; 4-4,35; 5-6,32 (Фатт ва Дэвис гажрибалари).

Бу кучлар материал тузилишини ўзгартириши натижасида унинг ўтказувчанлик қобилиятини ҳам ўзгартиради. 1- жадвалда баъзи бир типик ғовак материалларнинг физик хусусиятлари қиймати берилган.

Ғовак жисм хусусияти	Ғоваклик	Нисбий юза (см ² /см ³)	Ўтказувчанлик даражаси	Ким ўлчаган
кварц кукуни	0,37-0,49	6,8•10 ³ -8,9•10 ³	1,3•10 ⁻² -5,1•10 ⁻²	Карман, 1938
бўшоқ қум	0,37-0,5	1,5•10 ² -2,2•10 ²	20-180	Карман, 1938
тунроқ	0,43-0,54	2•10 ³ -4•10 ³	29-140	Пеерпкамп, 1948
қумтош	0,08-0,38	1,5•10 ⁴ -10•10 ⁴	5•10 ⁻⁴ -3,0	Маскет, 1537
оҳақтош	0,04-0,10	0,15•10 ⁴ -1,3•10 ⁴	2•10 ⁻⁴ -4,5•10 ⁻²	Лок и Блис, 1950
гипс	0,12-0,34	3•10 ³ -5•10 ⁴	4,8•10 ⁻³ -2,2•10 ⁻¹	Стол и Джонсон, 1940
гери	0,56-0,59	1,2•10 ⁴ -2,1•10 ⁴	9,5•10 ⁻² -1,2•10 ⁻¹	Миттон, 1945
шиша тола.	0,88-0,93	5,6•10 ² -7,7•10 ²	24-51	Уингинс ва бошқалар 1939

Одатда говак муҳитда суяқликлар харакати массаларида муҳитнинг механик хусусиятлари унчалик катта таъсир кўрсатмайди деб ҳисобланади. Бироқ катта чуқурликда жойлашган чуқинди жинслар механик хусусиятлари уларда нефт, газ ва сув ҳаракатига сезирарли таъсир кўрсатиши мумкин. Нефт саноатида тоғ жинсларининг сиқилувчанлигини аниқлашнинг мумкинлигини аниқлаш бўйича бир қанча тадқиқотлар олиб борилган.

Говак тоғ жинсларининг сиқилувчанлиги.

Сиқилувчанлик қуйидаги муносабат билан аниқланади.

$$C_v = -\frac{1}{V_v} \frac{\partial V_v}{\partial p} \quad (1.8)$$

бу ерда: P - ташқи таъсир кучи, гидростатик босим.
 V_v - жисмнинг умумий ҳажми.

$\frac{\partial V_v}{\partial p}$ - ташқи куч - босим таъсирда жисм умумий

ҳажмининг ўзгариши.

C_y - жисмнинг умумий сиқилувчанлиги.

Шунинг сингари жисмнинг говак қисми яъни бўшлиқлар ҳамда унинг скелетини ташкил қилувчи қаттиқ тоғ жинсларининг сиқилувчанликлари C_b ва C_c аниқланиши мумкин.

$$C_b = -\frac{1}{V_b} \frac{\partial V_b}{\partial p} \quad C_c = -\frac{1}{V_c} \frac{\partial V_c}{\partial p}$$

Агарда $V_y = V_b + V_c$ ва $m = \frac{V_b}{V_y}$


эканлигини ҳисобга олсак

$$\begin{aligned} C_y &= -\frac{1}{V_y} \frac{\partial (V_b + V_c)}{\partial p} = -\frac{1}{V_y} \left(\frac{\partial V_b}{\partial p} + \frac{\partial V_c}{\partial p} \right) = \frac{1}{V_y} \left(-\frac{V_b}{V_b} \frac{\partial V_b}{\partial p} - \frac{V_c}{V_c} \frac{\partial V_c}{\partial p} \right) = \\ &= \frac{1}{V_y} (V_b C_b + V_c C_c) = \frac{V_b}{V_y} C_b + \frac{V_c}{V_y} C_c = m C_b + (1-m) C_c \end{aligned}$$

яъни

$$C_y = m C_b + (1-m) C_c$$

муносабатни келтириб чиқарамиз. 1.3-расмда тоғ жинслари говак қисми сиқилувчанлигининг говаликка боғлиқлиги кўрсатилган.



1.3.-расм. Тоғ жинсларининг ғоваклик бўйича сиқилувчилиги.

Абсисса ўқи бўйича: ғоваклик

Ордината ўқи бўйича: ғовакликларнинг сиқилувчанлиги • 10⁶.

● қумтош, ○ - оҳақтош.

Тоғ жинсларининг сиқилишига қаришилиги.

Ғовак оҳақтошлар, қумтошлар ҳамда гилли сланцлар тадқиқоти давомида ғовак жисм таранглик ҳолатининг жисмнинг сиқилишга қаришилигига катта таъсир кўрсатиши аниқланган. Хусусан жисм бўшлиғидаги суюқлик босими ва жисмга таъсир қилувчи ташқи босим фарқининг миқдори (қиймати) жисмнинг механик парчаланиш хусусиятини аниқлайди. Бу фарқнинг ўсиб бориши давомида жисм парчаланиш характери мўрт парчаланишдан токим қайишқоқ парчаланишгача ўзгариши кузатишган.

Тўйинганлик

Ғовак муҳитда бўшлиқлар қисман бир суюқлик, қисман бошқа суюқлик ёки газлар билан тўлдирилган бўлиши мумкин. Бундай ҳолларда ҳар бир суюқлик ёки газ бўшлиқнинг қанча қисмини эгаллаши ҳақидаги масала пайдо бўлади.

Ғовак муҳит бўшлиғининг муайян бир модда эгаллаган қисмининг умумий бўшлиққа нисбати ғовак муҳитнинг шу моддага тўйинганлиги дейилади, яъни:

$S =$ муайян модда эгаллаган бўшлиқ ҳажми умумий (2.1) бўшлиқ ҳажми.

Келтирилган таъриф бўйича ўз-ўзидан маълумки муҳит бўшлиғида икки хил модда бўлса, у ҳолда

$$S_1 + S_2 = 1 \quad (2.2)$$

уч хил модда бўлса,

$$S_1 + S_2 + S_3 = 1$$

бўлади

Тўйинганлик ўлчов бирлигисиз катталиқдир. Тўйинганлик макроскопик хусусият бўлиб, унда модданинг ғовакликлар бўйича тақсимоти эътиборга олинмайди.

Тўйинганликни ўлчаш усуллари

Тўйинганликни ўлчашнинг кенг тарқалган усуллари қуйидагилардан иборат.

Ҳажм баланси усули

Агар ғоваклиги маълум бўлган жисм намунасида бирор бир суюқлик (масалан I-суюқлик) бўлмасада ва унга V_1 ҳажмдаги шу суюқлик шимдирилса у ҳолда намунанинг I-суюқлик билан тўйинганлиги

$$S_1 = \frac{V_1}{mV_1} \quad (2.3)$$

ифода билан аниқланади. Худди шунингдек бошланғич ҳолатда намуна бўшлиғида биринчи суюқлик бўлган ҳолда уни бошқа турдаги, I-суюқлик билан қоришмайдиган модда ёрдамида сиқиб чиқариш йўли билан V_1 ва демак S_1 аниқланади.

Тарозиди тартиш усули

Ғовак муҳит икки хил ўзаро қоринмайдиған молдалар билан тўйинған ҳолда, ҳар бир молдаға нисбатан тўйинғанлик тарозиди тартиш усули билан аниқланиши мумкин. Масалан, ғовак муҳит намунасининг аввал газ билан тўлдирилған ҳолдағи оғирлиги аниқланса (тарозиди тартилиб) ва сўнгра зичлиги ρ_c бўлған суюқлик билан қисман тўлдирилса у ҳолда суюқлик билан тўйинғанлик қўйидағи формулага мувофиқ аниқланади.

$$S_c = \frac{W_2 - W_1}{m \rho_c V_0 g}$$

Бу ерда W_1 - намунанинг газ билан тўйинған ҳолдағи оғирлиги;
 W_2 - унга S_c - тўйинғанликка қадар ρ_c - зичликдағи суюқлик шимдирилған ҳолдағи оғирлиги;
 g - эркин тушиш тезланиши.

Электр қаршилиғи усули

Агар электр токини ёмон ўтказадиган ғовак жисм қисман токни яхши ўтказадиган суюқлик билан тўлдирилса (масалан хлорли натрий эритмаси билан) унинг суюқликка нисбатан тўйинғанлиги электр қаршилиғини ўлчаш усули билан Арчи қонунига мувофиқ аниқланиши мумкин. Ушбу қонунга мувофиқ

$$R = R_0 S_c^{-r}$$

Бу ерда R - намунанинг суюқлик билан S_c - тўйинғанлик даражасида шимдирилған намунанинг нисбий қаршилиғи;

r - тўйинғанлик кўрсаткичи деб аталувчи доимийлик. Соф қумтошлар учун $r \approx 2$;

R_0 - намунанинг нисбий қаршилиғи.

Бу усул тарозиди тартиш усули қўллаб бўлмайдиган ҳолларда ва суюқлик намуна бўйлаб бир текис тарқалған ҳолларда жуда қулай келади.

Рентген нурларини ютишдан фойдаланиш усули

Исталған жисмдан рентген нурлари ўтганда унинг интенсивлиги экспоненциал қонунга мувофиқ камаяди.

$$I = I_0 e^{-\mu x}$$

Бунда x - нур йўналиши бўйича масофа,

I - нурнинг масофадағи интенсивлиги,

I_0 - нурнинг жисм чегарасидағи яъни кириш нуқтасидағи интенсивлиги.

β - рентген нурларини ютиш коэффициенти.

Агар жисм икки хил суюқлик билан тўйинган бўлса ва уларнинг бирида рентген нурларини яхши ютувчи туз эритилган бўлса, у ҳолда бирор суюқлик билан тўйинганликнинг ўсиши рентген нурларининг умумий ютилишига катта таъсир қилиши мумкин. Бу эса шу суюқлик билан тўйинганликни аниқлашга ёрдам беради. Бу усул унчалик юқори аниқликка эга бўлмасада икки фазали оқим шаронтида қўллашга қулайлик беради.

5 - маъруза
Кашилляр босим

Агарда икки ўзаро қоринмайдиган суюқлик бир-бири билан туташса, туташ чизиғида улар орасида босимнинг кескин ўзгариши рўй беради. Бу ўзгариш қиймати туташни сиртининг эгрилиги ҳамда суюқликлар хусусиятига боғлиқ бўлиб, кашилляр босим деб юритилади ва у Лаплас формуласига биноан аниқлачади

$$P_c = \gamma_{12} \left(\frac{1}{r_1} + \frac{1}{r_2} \right) \quad (2.7)$$

Бу ерда r_1 , r_2 ва γ_{12} - мос ҳолда туташни сиртининг эгрилик радиуслари ҳамда нисбий эркин энергияси. Кўпинча сиртининг нисбий эркин энергияси γ_{12} сирт таранглиги сифатида ҳам қаралади.

Агар икки қоринмайдиган суюқлик ўзаро туташни билан бирга уларни чекловчи қаттиқ жисм - ғоваклик девори (масалан копилляр трубка девори) билан туташса, туташни сирги иккинчи суюқликда ғоваклик девори билан θ бурчак ҳосил қилади. Бу бурчак туташни бурчаги дейилади ва Юнг тенгламаси билан

$$\cos \theta = \frac{\gamma_{k1} - \gamma_{k2}}{\gamma_{12}} \quad (2.8)$$

Бунда: γ_{k1} - қаттиқ жисм ва 1-суюқлик орасидаги чегара сирт таранглиги (эркин энергияси).

γ_{k2} - қаттиқ жисм ва 2-суюқлик орасидаги чегара сирт таранглиги.


Сирт таранглигининг ўлчов бирлиги кучнинг узунлик ўлчовига нисбатига тенг. Кўпгина манбаъларда дина/см кўринишида берилади.

Агар $\gamma_{k1} > \gamma_{k2}$ бўлса, θ - ўткир бурчак ва 2-суюқлик жисмни намлайди дейилади. Бу демак 2-суюқлик 1-суюқликка нисбатан қаттиқ жисмга сиғишига ва кенг тарқалишига ҳаракат қилади. $\gamma_{k1} < \gamma_{k2}$ ҳолда бунинг акси оқилади.


Агар 1-суюқлик билан тўйинган ғовак жисмга 2- суюқлик ҳайдалса ва $\gamma_{k1} > \gamma_{k2}$ бўлса, у ҳолда 2-суюқлик бевосита қаттиқ жисмга унинг девори оўйлаб сиғиши ҳамда ундан 1-суюқликни сиқиб чиқаришига ҳаракат қилади.

Бунда намловчи суюқлик жисмга сиғиб, ундан намламайдиган суюқликни сиқиб чиқаришига интилади дейилади. Суюқликлар орасида мувозанат, намловчи суюқлик Юнг тенгламасига мувофиқ, суюқликлар орасидаги туташни сиртининг энг катта эгрилигини таъминловчи барча ғоваклик ва тирқишларни эгаллагандагина рўй беради. Шундай қилиб, намловчи суюқлик биринчи навбатда энг кичик ғовакликларни тўлдиршига ҳаракат қилади. Эътироф этилган кашилляр мувозанат

жаратини параллел цилиндрик трубкларнинг кубик жойлашини модели (2.1-расм) мисолида яққол кўриш мумкин.



2.1-расм. Цилиндрик трубкларнинг кубик шаклда жойлашини.



2.2-расм. Кубик шаклда жойланган шиша стерженлардан ташкил топган «Фовак муҳитда» сув ва ҳаво орасидаги чегара сирти.

$\gamma_{k2}=0$ деб қабул қиламиз, у ҳолда $\gamma_{1,2} = \gamma_{k,1}$, ва $\cos \theta = 1$ демак $\theta=0$.

Бундай қийматлар агар 1-суюқлик сифатида ҳаво, 2-суюқлик-сув ва цилиндрик трубклар шишадан ясалган ҳолига тўғри келади. Бу ҳолда туташ сиртнинг эгрилик радиуси $r^1 \rightarrow \infty$ ва демак суюқликлар орасидаги туташ сирти ҳам цилиндрик шаклда бўлади. Туташ сиртнинг кўндаланг

кесими 2.2-расмда кўрсатишган. Мана шу шаклда тузилган идеал ғовак жисмининг ғоваклиги босонини ҳисобланади ва у:

$$m = 1 - \pi/4 \quad (2.9)$$

қиймати га тенг бўлади.

2-суюқлик билан тўйинганликнинг туташ сиртининг ярилик радиуси r -га мос бўлган қиймати қуйидаги формула билан берилди.

$$S_2 = \frac{4}{3\pi} \left[\left(\frac{r}{R} \right)^2 + 2 \frac{r}{R} - \arccos \frac{R}{r+R} - \left(\frac{r}{R} \right)^2 \arcsin \frac{R}{r+R} \right] \quad (2.10)$$

Бунда R -шишир радиуси. Қаниллар босим эса

$$P_1 = \frac{2\sigma}{r} \quad (2.11)$$

га тенг бўлади.

Шундай қилиб ғовакликнинг идеаллаштирилган тузилиши ҳолда биз параметрик кўринишда тўйинганлик ва қаниллар босим орасидаги боғлиқликни топишга муяссар бўлдик. Бу боғлиқликнинг графиги 2.3-расмда келтирилган. Бу боғлиқлик икки ёндош туташини сиртларинини бир-бирига қўшилгунига қадар сақланади, ундан сўнг эса кўрсатишган сиртлар геометрияси бузилиб ўз барқарорлигини йўқотади.

Табий ғовак материалларининг тузилиши жуда мураккаб ва тартибсиз. Шу сабабли улар учун тўйинганликнинг қаниллар босимга боғлиқлигининг юқорида келтирилган ҳолдаги каби ифодасини топиб бўлмайди. Шунга қарамай, тўйинганликнинг ҳар бир қийматида қаниллар босимни ўлчаш йўли билан бундай боғлиқлик аниқланиши мумкин.

Қаниллар босимнинг тўйинганликка боғлиқлиги

Сирт тарафлик кучлари бир суюқликнинг иккинчи суюқлик билан сиқиб чиқарилишига қаршилик қилиши ҳам, ёрдам бериши ҳам мумкин. Шу сабабли ғовак муҳитнинг намламайдиган суюқлик билан қисман тўйинганлигини таъминлаш учун намламайдиган суюқлик босими намлайдиган суюқликнингга нисбатан юқорироқ бўлиши керак. Намлайдиган суюқлик босимини P_n намламайдиган суюқлик босимини P_{nn} билан белгиласак

$$P_{nn} - P_n = P_k(S_n) \quad (2.12)$$

ифодани ҳосил қиламиз. Бошқача қилиб айтганда мувозанат ҳолатида намламайдиган суюқлик ва намлайдиган суюқлик босимларининг фарқи қаниллар босимга тенг. (2.12) тенглама ғовак муҳитда қаниллар босим таърифини ифодалайди.

Капилляр босимни ўлчаш усуллари

Гравитацион усул

Ғовак муҳитда капилляр босимини тўйинганлик функцияси сифатида қийматини ўлчашнинг даслабки усули пуқак материаллар учун ишлаб чиқилган бўлиб, ҳозирда бу усул туңроқ тадқиқоти масалаларида кенг қўлланилади. Намламайдиган суюқликка тўйинган ғовак материал билан тўлдирилган вертикал трубкани кўрайлик. Трубканинг пастки учи намлайдиган суюқликка ботирилган бўлсин. Намлайдиган суюқлик сатҳини поль деб қабул қилсак, ундан вертикал ўқ бўйича масофада иккал суюқлик босими қуйидаги формулалар ёрдамида топилади.

$$P_{II} = P_{II}(0) - \rho_{II}gz \quad (2.13)$$

$$P_{III} = P_{III}(0) - \rho_{III}gz \quad (2.14)$$

Бунда ρ_{II} , ρ_{III} - мос равишда, намлайдиган ва намламайдиган суюқликлар зичлиги; g - эркин тушиш тезлиши.

(2.13), (2.14) тенгламалар мувозанат шароитидагина маънога эга. Бироқ кўрилатган ҳолда, суюқликлар орасида мувозанат ўрнатилиши учун кўп вақт талаб қилиниши мумкин. Иккинчи тенгламада биринчисини аййириб, капилляр босим таърифига кўра

$$P_k(z) = P_k(0) + (\rho_{II} - \rho_{III})gz \quad (2.15)$$

ҳосил қиламиз. Аммо $z=0$ кесимда ғовак материал тўлалигиче намлайдиган суюқлик билан тўйинганлиги туфайли $P_k(0) = 0$.

Демак, z баланликда капилляр босим қуйидаги тенглама билан ифодаланади.

$$P_k(z) = (\rho_{II} - \rho_{III})gz \quad (2.16)$$

Агар мувозанат шароитида намуна зудлик билан кўндаланг йўналишда майда-майда бўлақларга бўлинса ва ҳар бир кесимда тўйинганлик ўлчанса капилляр босимини тўйинганликка боғлиқлик функциясини аниқлаш мумкин.


Замонавий ускуналарда намунани кўндалангига кесини ўрнига трубка бўйича қатор халқасимон электродлар ўрнатилади ва улар ёрдамида электр қаршилиги ўлчаниб, тўйинганлик аниқланади.

Суюқликни сиқиб чиқариш усули

Намлайдиган суюқликка тўйинтирилган ғовак жисм намунасини намламайдиган суюқликка тўлдирилган камерага жойлаб капилляр босим аниқаниши мумкин. Бунда намунанинг қуйи қисми фақатгина

намлайдиган суюқлиқни ўтказиши керак, яъни бир томонлама ўтказувчи бўлиши зарур. Намуна қуйи кесимининг давомини ўлчаш идиши таъкид қилини керак.

Агарда камерада намламайдиган суюқлик босимини секинлик билан кўтариб қандайдир бир қийматда ушлаб турилса намунага маълум даражада намламайдиган суюқлик сўнгийди. Бунинг натижасида намлайдиган суюқлиқнинг бир қисми сиқиб чиқарилади ва ўлчаш идишига келиб тушади. Намунада намлайдиган суюқлик босими атмосфера босимига тенглиги, намламайдиган суюқлик босими $P_{\text{нм}}$ ва тўйинганлик $S_{\text{нм}}$ нинг бевосита ўлчаниши капилляр босим P_k ни ҳисоблаш имконини беради. Тажриба намламайдиган суюқлик босимининг ($P_{\text{нм}}$) бир қанча қийматларида қайтарилса, натижада капилляр босимининг тўйинганликка боғлиқлиги $P_k = f(S_{\text{нм}})$ аниқланиши мумкин.



2.3-расм. Капилляр босимининг намлайдиган суюқлик билан тўйинганликка боғлиқлиги.

Абсцисса ўқи бўйича: намлайдиган суюқлик билан тўйинганлик $S_{\text{нм}}$.


Ордината ўқи бўйича: $\frac{RP_k}{\gamma_{12}}$ - ўлчовсиз катталик.

Капилляр гистерезис

Капилляр босимнинг тўйинганликка боғлиқлигини аниқлашнинг юқорида келтирилган усулларида намуна аввал намлайдиган ёки намламайдиган суюқликка тўйинтирилади. Баъзи усуллар иккала ҳолда ҳам қўлланилиши мумкин. Аммо бу иккала ҳолда олинган натижалар солиштирилиб кўриلسа улар орасида маълум бир фарқ борлиги аниқланади. Бу ҳодиса капилляр гистерезис номини олган.

Капилляр босимнинг тўйинганликка боғлиқлигини ифодаловчи икки эгри чизиққа махсус номлар берилган. Намунани бошланғич ҳолда намлайдиган суюқликка тўйинтирилганда олиннадиган эгри чизиқ суюқликни сиқиб чиқариш эгри чизиғи дейилади. Бошланғич ҳолда намламайдиган суюқликка тўйинтирилганда олиннадиган эгри чизиқ сингдириш эгри чизиғи номи берилган. Қумтош намунасида сув ва керосин учун олинган бундай эгри чизиқлар 2.4-расмда келтирилган.

Расмда келтирилган эгри чизиқлар хусусияти барча ҳоллар учу хосдир, яъни намлайдиган ва намламайдиган суюқликнинг ўзгариши ҳу намуна материалининг ўзгариши эгри чизиқларнинг жойлашиши ҳамд ўзгариш хусусиятига таъсир қилмайди.



2.4.-расм. Капилляр босимнинг намлайдиган суюқлик билан тўйинганликка боғлиқлигини ифодаловчи эгри чизиқларнинг шакли кўриниши.

Ордината ўқи бўйича: Капилляр босим P_k кг/см².

Абсцисса ўқи бўйича: намловчи суюқлик билан тўйинганлик

1-сиқиб чиқариш, 2-сингдириш эгри чизиқлари.

Капилляр босимнинг тўйинганликка боғлиқлигини инфодаловчи сингдириш ва сиқиб чиқариш эгри чизиклари орасидаги фарқнинг сабаби, намловчи суёқликнинг намунага сингиши ёки ундан сиқиб чиқарилиши вақтида суёқликлар орасидаги туташш сирги билан қаттиқ жием орасидаги туташ бурчакнинг ҳар хиллигидир. Бундан ташқари эътироф этилган туташ бурчаги, ёки намланиш ҳам ўзгариб туриши мумкин экан.

Бу ҳолат айниқса нефт ва қатлам сувларининг биргалликда сизини ҳолларида кўп учрайди. Масалан, буғланувчи эритгич суёқлик билан обдон тозаланган тоғ жинси намунасига нефт хайдаб кўрилгандаги жараёнда нефт намловчи суёқликдек ҳаракат қилади. Намуна қайта тозаланиб унга сув ҳайдалса намуна сув билан ҳам намланади. Нефт саноатида ҳозирги кунги долзарб масалалардан бири коллектор хусусиятига эга бўлган тоғ жинсларининг намланиши масаласидир.

Капилляр гистерезис ҳодисасини тўқилмас сиёҳдон мисолида ҳам кўриш мумкин.

Йўналиш ўқи бўйича симметрик шаклдаги капилляр трубкани олиб қарайлик. Ўқ йўналиши бўйича трубка кўндаланг кесими радиуси тўлқинсимон ўзгарган бўлсин. Агар бундай трубканинг учи сувга маълум миқдорда туширилса, унда сув токим гидростатик, босим устуни капилляр босим билан тенглашмагунга қадар кўтарилади. Энди у бироз сувдан чиқазилса маълум бир миқдор сув оқиб чиқади ва капиллярда янги мувозанат ўрнатилади.

Сув трубка ичига қараб ҳаракат қилаётганда капилляр девори билан сув сиртининг ўткир бурчак ҳосил қилганлиги сабабли сув капиллярнинг қисилган жойларини «сакраб» ўтади. Сув трубкадан оқиб чиқаётганда эса, трубканинг сиқилган жойлари сувнинг чиқиб кетишига қаршилик қилади ва бу сиқилган жойларда маълум миқдор сув ушланиб қолади.

Бу нима сабабдан берилган капилляр босим учун сингишда тўйинганликнинг бир қиймати ва сиқиб чиқариш вақтида тўйинганликнинг нисбатан юқорироқ қиймати тўғри келишини тушунтиради.

Фовак муҳитда суёқлик ҳаракатининг амалиёт учун аҳамиятга эга бўлган кўпгина ҳолларида капилляр гистерезисга эътибор берилмаслик мумкин, чунки бу ҳолларда сингиш ёки сиқиб чиқариш чизикларидан биридан фойдаланилади.

Кашиляр босимнинг тўйинганликка боғлиқлигини ифода барча эгри чизиқларнинг нишаблиги намловчи суюқлик бўлган тўйинганликнинг камайиб маълум бир қийматга бориши билан кески бошлайди.

Сиқиб чиқариш чизиқларини ўрганишлар натижаси шу кўрсаткичи, намловчи суюқлик билан тўйинганликнинг маълум қийматидан сўнг уни янада озгина миқдорда бўлсада камайтириш жуда катта, хатто чексизликка интилувчи босим қўйилишини талаб қилади.

Мана шу чегаравий тўйинганлик қолдиқ тўйинганлик деб, агар намловчи суюқлик сув бўлса боғланган сув деб аталади.

Умуман олганда қолдиқ тўйинганликни камайтириш ёки йўқ қилиш ҳам мумкин, масалан намунани қиздириш йўли билан. Бироқ амалиёт учун аҳамиятга эга бўлган барча ҳолларда намламайдиган суюқлик ҳайвон йўли билан бунга эришиб бўлмайди. Шундай қилиб, намловчи суюқлик билан тўйинганлик қолдиқ тўйинганлик қийматиغا яқинлашган сарқашилар босим P_k қиймати чексизликка интилади деб қабул қилиш мумкин.

Леверетт функцияси.


Деярли барча табиий ғовак муҳитлар учун кашиляр босимнинг тўйинганликка боғлиқ эгри чизиғи бир хил шаклда эканлиги, бу чизиқларни ифодаловчи умумий тенглама топиб бўлмасмикан деган фикрни ўйғотди. Леверетт бу масалага ўлчовлар таҳлили нуқтаи назаридан ёндашди.

У кашиляр босимнинг ғоваклик, сирт таранглиги ва ғоваклар ўлчамини ифодаловчи хос катталиқка боғлиқлигини ҳисобга олиб, тўйинганликнинг ўлчов бирлигига эга бўлмаган функциясини киритди ва уни j - функция деб атади.

$$j(S_H) = \frac{P_k}{\gamma_{12}} \sqrt{\frac{K}{m}} \quad (2.17)$$

Ғоваклар ўлчамини ифодаловчи хос катталиқнинг квадрати сифатида у ўтказувчанликнинг ғовакликка нисбатини қабул қилиди.

Ўлчов бирлигисиз j - функциядан фойдаланиш, кўпгина ҳолларда кашиляр босимнинг тўйинганликка боғлиқлиги эгри чизиғи фарқини бартараф қилиб, уни битта эгри чизиққа олиб келиш имконини берди. Мана шу имконият 2.6-расмда бўшанг қумтошларнинг бир қанча тури учун кўрсатиб берилган.



8-расм. Бўшанг қумтошлар учун Леверетт j - функцияси.

Абсцисса ўқи бўйича: намловчи суюқлик билан тўйинганлик.

Ордината ўқи бўйича:
$$j(s) = \frac{P_k}{\gamma_{12}} \sqrt{\frac{k}{m}}$$

Ўтказувчанлик (дарси) суюқликлар
 ° 214 сув-керосин

• 34,9

△ 42-46

■ 2160

□ 0,057

▽ 3,63

x 2,42

◇ 3,18

«» 10% NaCl-ҳаво

керосин-ҳаво

CCl₄ ҳаво

сув ҳаво

«»

«»

Ғовак муҳитда суюқлик ва газларнинг ҳаракати қонуниятлари
 Ғовак муҳитда суюқликларнинг ҳаракатга келтирувчи омиллар
 ва ҳаракат турлари

Ғовак муҳитда суюқликлар ҳар хил сабабларга кура ҳаракатга келиши мумкин. Биринчи навбатда бу ташқи механик куч босим градиенти таъсири остидаги ҳаракат.

Шунинг билан бир қаторда, у даражада сезиларли бўлмасда, маълум бир шароитларда электр, иссиқлик энергиялари, суюқлик таркибидаги тузлар концентрацияси градиенти таъсири остида, ёки емирилиш сабабли ҳам суюқликлар ҳаракатга келади. Бундан ташқари суюқликлар ҳаракати суюқликнинг ўртача босими, босимнинг ўзгариш чегаралари, ғоваклик ўлчами ва шу кабиларга боғлиқ ҳолда турлича бўлиши мумкин.

Суюқликларнинг ҳаракатга келтирувчи омиллар ва ҳаракат турлари қанчалик хилма-хил бўлмасин, нефт-газли қатламларда модда ҳаракатига ҳал қилувчи таъсир кўрсатадиган куч, механик куч, босим градиенти ҳисобланади. Шу сабабли ҳам ер ости гидродинамикаси асосан суюқликларнинг ғовак муҳитда механик куч таъсири остида юз берадиган ҳаракатини ўрганади. Бошқа кучлар таъсири билан бўладиган ҳаракатлар махсус масалаларда кўрилади. Бундай масалалар ер ости гидродинамикасининг ушбу дарслигига киритилмади.

Ғовак муҳитда қовушқоқ суюқликларнинг ламинар ҳаракати

Дарси қонуни

Ғовак муҳитда суюқликларнинг сизилиши назариясининг асосий қонунаридан бири 1856 йилда тажриба асосида ўрнатилган Дарси қонуни ҳисобланади. Дарси қонуни, кўндаланг кесим юзаси f бўлган, ғовак жисм билан тўлдирилган трубкада суюқлик оқимининг ҳажмий чиқими (Q) трубка четларига қўйилган босимлар фарқи ($H_1 - H_2$) билан боғлайди.

$$H = Z + \frac{P}{\gamma} + \frac{u^2}{2g} \quad (3.1)$$

Бу ерда Z - трубка ўқининг берилган нуқтадаги баландлиги.

P - пьезометрик баландлик.


γ - суюқлик зичлиги (ҳажмий оғирлик)

u - суюқликнинг берилган нуқтадаги ҳаракат тезлиги.

Суюқликларнинг ғовак муҳитида сизилиши масаларида ҳаракат унчалик катта тезликка эга бўла олмайди. Шу сабабли (3.1.) формуланинг охирги ҳади $-u^2/2g$, ҳисобга олинмаслиги мумкин, демак босим

$$H = Z + \frac{P}{\gamma}$$

формула орқали ифодаланади.



3.1-расм. Дарси қонунини келтириб чиқариш бўйича тажриба схемаси.

Сиқилмайдиган суюқлик ҳолида босим қуйидаги ифода билан аниқланади:

Дарси қонунига кўра узунлиги l ва кўндаланг кесими f бўлган, ғовак модда билан тўлдирилган, трубкада сизилаётган суюқликнинг ҳажмий чиқими (Q) трубка четларига қўйилган босимлар фарқига ($H_2 - H_1$) пропорционал, яъни

$$Q = c \frac{H_2 - H_1}{l} f \quad (3.2)$$

Бунда C - пропорционаллик коэффициенти, сизилиш коэффициенти деб ҳам юритилади ва у сизилаётган суюқлик ҳамда ғовак муҳит хусусиятларини ифодалайди.

(3.2.) ифодани

$$q = \frac{Q}{f} = \frac{c}{\gamma} \left(\frac{p_2 - p_1}{l} + \gamma \sin \alpha \right) \quad (3.3)$$

кўринишда ҳам ёзиш мумкин.

Бу ерда α - трубка ва горизантал текислик орасидаги бурчак.

Одатда $\frac{C}{\gamma}$ коэффициент $\frac{C}{\gamma} = \frac{K}{\mu}$ -деб қабул қилинади.

Бу ерда K - муҳит ўтказувчанлик коэффициенти.

μ - суюқликнинг қовушқоқлик коэффициенти.

ҳаракатчанлик хусусиятини тавсифлайди.

$$\text{Демак, } C = \frac{K}{u} \gamma \quad (3.4)$$

келиб чиқади.

(3.2) ва (3.3) тенгликлардан кўришиб турибдики коэффициент C нинг ўлчов бирлиги $\frac{Q}{l}$ ёки q -нинг ўлчов бирлигига тенг, яъни

$$\frac{cm^3 /сек}{cm} = cm /сек$$

(3.2) ёки (3.3) ифодаларни ихтиёрини элементар ҳажм учун дифференциал кўринишида ёзиш мумкин.

$$V = \lim_{\Delta n \rightarrow 0} q = \frac{C}{\gamma} \lim_{\Delta n \rightarrow 0} \left[\frac{P(x + \Delta x, t) - P(x, t)}{\Delta n} + \gamma \sin \alpha \right] = \frac{C}{\gamma} \left(\frac{\partial P}{\partial n} + \gamma \sin \alpha \right)$$

ёки

$$V = -\frac{K}{u} \left(\frac{\partial P}{\partial n} + \gamma \sin \alpha \right) \quad (3.5)$$

Бу ерда n - модда ҳаракати йўналиш вектори.

Бу тенглама дарси қонунининг дифференциал кўриниши бўлиб, (3.3) тенгликнинг маънавий умумлаштириши нагизасидир.

Кейинги бобларда биз асосан дарси қонунининг дифференциал кўринишидан фойдаланамиз.

Нефть, газ саноат тармоғи масалаларида аралаш система номини олган махсус система қўлланилади. Бу системанинг асосий бирликлари: узунлик - сантиметрда, куч - килограмм - куч, вақт - секунд қабул қилинган. Бундан ташқари аралаш системада ҳосилавий бирликлар, масалан, босим бирлиги - техник атмосфера (kg/cm^2) билан бир қаторда системадан ташқари махсус бирликлар:

- Қовушқоқлик коэффициенти ўлчов бирлиги - **сантипаз** (сПз);
- муҳит ўтказувчанлик коэффициенти - дарси (δ) мавжуд.

(3.2), (3.4) тенгликдан кўришиб турибдики, ўтказувчанлиги 1δ , қўндаланг кесим юзаси $1cm^2$ узунлиги $1cm$ бўлган намуна четларига $1kg/cm^2$ га тенг босим фарқи қўйилса, ундан сизиб ўтаётган, қовушқоқлиги $1сПз$ га тенг бўлган суюқликнинг ҳажминини чиқими $1cm^3/сек$ ни ташкил қилади. Ўтказувчанликнинг физик системадаги ўлчов бирлиги

$$[K] = \frac{[C][l]}{[\gamma]}$$

$$[C] = 1 \frac{cm}{сек} = 10^{-2} m /сек,$$

$$[\rho] = \frac{\text{кг}}{\text{см}^3} = 10^6 \frac{\text{кг}}{\text{м}^3}$$

$$[\mu] = 1,0210 \cdot \frac{\text{кг} \cdot \text{сек}}{\text{м}^2}$$

Демак

$$[K] = \frac{10^{-2} \frac{\text{м}^2 \cdot \text{сек} \cdot 1,0210 \cdot \text{кг} \cdot \text{сек} \cdot \text{м}^2}{\text{м}^3}}{1 \cdot 10^6 \frac{\text{кг} \cdot \text{сек}}{\text{м}^2}} = 1,02 \cdot 10^{-11} \frac{\text{м} \cdot \text{кг} \cdot \text{сек} \cdot \text{м}^2}{\text{сек} \cdot \text{м}^2 \cdot \text{кг}} = 1,02 \cdot 10^{-11} \text{ м}$$

Яъни $1 \rho = 1,02 \cdot 10^{-12} \text{ м}^2$ келиб чиқади.

Қумтош коллекторларнинг ўтказувчанлик коэффициенти одатда $K=100 - 1000$ мд чегарасида ўзгаради. Бироқ кўрсатилган чегара шунчаки бир шартли, кўроқ учрайдиган қийматлар деб қабул қилинмоғи керак, чунотчи кўрсатилган чегарадаги қийматлардан ўта кичик ҳам, ўта катта қийматлар ҳам учрайди.

Гилли қатламлар ўтказувчанлиги одатда жуда кичик, токим ноль қийматгача бўлади, яъни бундай қатлам ўзидан суюқлик ўтказмайди деб ҳисобланади.

Ўтказувчанлик ғовак қатламини ташкил қилган тоғ жинси доналарининг катталиги, шакли, жойлашиши ва шу каби ғовак муҳит геометрик тузилишини аниқловчи омилларга боғлиқ.

Бироқ, бу боғлиқликни назарий асослаш бўйича барча уринишлар натижа бермаган. Бунинг асосий сабаби реал тоғ жинси қатламларининг ниҳоятда мураккаб тузилиши ва унинг ҳеч қандай шартли геометрик схемаларга бўйсунмаслигидадир.

Шу сабабли ўтказувчанлик коэффициенти қиймати лабораторияда муайян намуна устида ўтказиладиган махсус тажрибалар асосида аниқланади.


Амалиётда эса нефт, газ қудуқлари маҳсулдорлигининг унинг ишлаш режимини белгилловчи омилларга боғлиқлигини аниқлаш бўйича ўтказиладиган махсус тадқиқотлар асосида ҳисобланади.

Классик гидродинамика қовушқоқ суyoқликнинг берилган чегаралағ орасидағи ҳаракатини ўрганади. Бунда муайян бир масалани математик ифодалаш учун берилган чегаралар ҳам ўз математик ифодасини тонмоғи зарур.

Ер ости қатлавлари ғовакликларининг тузилиши ўта мураккаблиғ сабабли уларни математик ифодалашнинг имкони йўқ. Демак, агарки ғовак муҳитда суyoқликлар ҳаракатининг математик назарияси яратилиши керак бўлса, бу ёки статистик назария, ёки кўрилаётган жараёни макроскопик хусусиятларига асосланган назария бўлиши мумкин.

Охириги йўл нафақат мумкин бўлиб қолмай, ўта самарадор йўл экан. Бу йўналишининг асосий қонунларидан бири модданинғ сақланиш қонунидир. Узлуksиз муҳит механикаси, шу жумладан ер ости гидромеханикасида модда сақланиш қонунини-узлуksизлик тенгламаси сифатида маълум.

Бу қонунни математик ифодалаш учун, кўрилаётган оқим соҳасининг ихтиёрий нуқтаси атрофидан фикран томонлари Δx , Δy , Δz бўлган тўғри бурчакли параллелепипедни олиб қараймиз.



3.2-расм. Оқим соҳасидағи ҳажм элементи.

Параллелепипед ҳажми $\Delta x \cdot \Delta y \cdot \Delta z$, ундағи бушлиқлар ҳажми $m \cdot \Delta x \cdot \Delta y \cdot \Delta z$.

Бўлиқларни эгаллаб турган суюқлик zichлиги ρ бўлса, унинг миқдори, яъни массаси $\rho \Delta x \Delta y \Delta z$ га тенг. Қаралаётган параллелелешинедин координат системасининг биринчи квадрантига жойлаб, координат ўқларини унинг қирралари бўйича йўналтирайлик ва x ўқи йўналиши бўйича атроф билан модда алмашинув жараёнини кўрайлик.

Параллелелешинедининг x ўқи йўналиши бўйича ён томонининг юзаси $\Delta y \Delta z$.

Фараз қилайлик x ўқи йўналишида параллелелешинедининг чап томонидан V тезликда модда оқими кириб келмоқда. Δt ҳолда Δt вақт давомида параллелелешинедга кириб келаётган модда миқдори

$$\rho V_x \Delta y \Delta z \Delta t \quad (3.6)$$

ни ташкил қилади.

Параллелелешинеднинг қарама қарши томонидан Δt вақт ичида чиқиб кетаётган модда миқдори

$$\left(\rho V_x + \frac{\Delta(\rho V_x)}{\Delta x} \Delta x \right) \Delta y \Delta z \Delta t \quad (3.7)$$

га тенг бўлади.

Мана шу модда алмашинув натижасида Δt вақт давомида параллелелешинеддаги модда миқдори

$$\frac{\Delta(m\rho)}{\Delta t} \Delta x \Delta y \Delta z \Delta t \quad (3.8)$$

га ўзгаради.

Модда сақланиш қонунига мувофиқ Δt вақт давомида параллелелешинедга x ўқи йўналиши бўйича кириб келаётган ва чиқиб кетаётган модда миқдорининг айирмаси, шу вақт давомида ундаги модда миқдорининг ўзгаришига тенг бўлиши керак.

Демак,

$$\rho V_x \Delta y \Delta z \Delta t - \left(\rho V_x + \frac{\Delta(\rho V_x)}{\Delta x} \Delta x \right) \Delta y \Delta z \Delta t = \frac{\Delta(m\rho)}{\Delta t} \Delta x \Delta y \Delta z \Delta t \quad \text{ёки}$$

$$-\frac{\Delta(\rho V_x)}{\Delta x} \Delta x \Delta y \Delta z \Delta t = \frac{\Delta(m\rho)}{\Delta t} \Delta x \Delta y \Delta z \Delta t$$

Агар тенгликнинг иккин томонини $\Delta x \Delta y \Delta z \Delta t$ га бўлиб, $\Delta x \rightarrow 0$ даги лимитга ўтсак.

$$\frac{\partial(\rho V_x)}{\partial x} + \frac{\partial(m\rho)}{\partial t} \quad (3.10)$$

ҳосил қиламиз.

Юқорида келтирилган мулохазалар у ва z уқдари йўналишлар буйича ҳам бажарилса, у ҳолда t вақт давомида қаралаётган параллелепипеднинг барча томонлари буйича модда алмашинув натижаси ундаги модда миқдорининг ўзгаришига тен бўлиши шарт бўлиши.

$$\frac{\Delta(\rho V_x)}{\Delta X} + \frac{\Delta(\rho V_y)}{\Delta Y} + \frac{\Delta(\rho V_z)}{\Delta Z} = - \frac{\partial(m\rho)}{\partial t} \quad (3.11)$$

ҳосил бўлган (3.11) тенглама узлуksизлик тенгламаси деб юритилади.

Ушбу тенгламани қисқа кўринишда қуйидагича ёзиш мумкин

$$\operatorname{div}(\rho V) = \frac{\partial(m\rho)}{\partial t} \quad (3.11a)$$

Бу тенгламада нафақат ер ости гидродинамикаси, умуман узлуks муҳит механикасининг асосини ташкил этади.

Ғовак муҳитда сууюқлик ва газларнинг сизилиш тенгламалари

Олдинги бандда келтирилган узлуксизлик тенгламаси (3.11) да ғовак муҳитда сизилаётган сууюқлик зичлиги ва тезлигининг координат ўқлари йўналиши бўйича компонентлари қатнашган.

Ғовак муҳитда модда ҳаракати тезлиги дарси қонуни (3.5) орқали ифодаланади. Дарси қонунини (3.5) кўришидан координат ўқлари йўналиши бўйича ёйилмаси шаклида ёзсак.

$$\begin{aligned}v_x &= -\frac{k}{\mu} \frac{\partial p}{\partial X} \\v_y &= -\frac{k}{\mu} \frac{\partial p}{\partial Y} \\v_z &= -\frac{k}{\mu} \frac{\partial p}{\partial Z}\end{aligned}\quad (3.12)$$

(3.12) кўринишида ёзишда соддалаштириш мақсадида оғирлик кучлари таъсири ҳисобга олинмади.

(3.11) ва (3.12) биргаликда қуйидаги тенгламани беради.

$$\frac{\partial}{\partial X} \left(\frac{k}{\mu} \rho \frac{\partial p}{\partial X} \right) + \frac{\partial}{\partial Y} \left(\frac{k}{\mu} \rho \frac{\partial p}{\partial Y} \right) + \frac{\partial}{\partial Z} \left(\frac{k}{\mu} \rho \frac{\partial p}{\partial Z} \right) = \frac{\partial(m\rho)}{\partial t} \quad (3.13.)$$

(3.13) тенгламани Гамильтон оператори

$$\nabla = \frac{\partial}{\partial X} + \frac{\partial}{\partial Y} + \frac{\partial}{\partial Z} \quad \text{ёрдамида қисқа кўринишида ёзиш мумкин}$$

$$\nabla \left(\frac{k}{\mu} \rho \nabla p \right) = \frac{\partial(m\rho)}{\partial t} \quad (3.14.)$$

(3.14) тенгламада сизилаётган модданинг берилган нуқтадаги зичлиги ҳамда босими иштирок этган. Маълумки модданинг зичлиги, босими ва ҳарорати ўртасидаги муносабат модда ҳолат тенгламаси орқали ифодаланади.

Демак биз (3.13) тенглама билан ҳар хил моддалар (сууюқликлар ва газлар) ҳолат тенгламаларини бирлаштириб, муайян модданинг ғовак муҳитда сизилиш тенгламасини ҳосил қилишимиз мумкин.

Ўзгармас сиқилувчанликка эга бўлган сууюқлик

Бундай хусусиятга эга бўлган сууюқликнинг ҳолат тенгламаси.

$$C = \frac{1}{\rho} \frac{dp}{dp} = \text{const} \quad (3.15)$$

$$\text{Шунга кўри} \quad \rho \nabla p = \frac{1}{C} \nabla \rho \quad (3.16)$$

Ушбу муносабатдан фойдаланиб (3.14) тенгламани

$$\nabla(k\nabla\rho) = \mu c \frac{\partial(m\rho)}{\partial t} \quad (3.17)$$

кўринишда ёниш мумкин.

Агарда ғовак муҳит изотроп яъни барча координат йўналишлари бўйича унинг хусусиятлари бир хил ва деформацияланмайдиган бўлса, у ҳолда (3.17) тенглама

$$\nabla(k\nabla\rho) = m\mu c \frac{\partial\rho}{\partial t} \quad (3.18)$$

кўринишни олади.

Бундан ташқари ғовак муҳит бир жинсли, яъни унинг ўтказувчанлик коэффициентини $k = \text{const}$ бўлса

$$\nabla^2\rho = \frac{m\mu c}{k} \frac{\partial\rho}{\partial t} \quad (3.19)$$

Келтирилган (3.17), (3.18), (3.19) тенгламалар ўзгармас сиқилувчанликка эга бўлган суюқликнинг мос равишда бир жинсли бўлмаган, ва деформацияланувчан, изотроп, бир жинсли бўлмаган ва деформацияланмайдиغان бир жинсли ва деформацияланмайдиغان ғовак муҳитда сизилиш тенгламаси дейилади.

Нефт ва газ саноати амалётида кўпгина масалалар текис радиал ски сферик ҳаракат доирасида кўришни тақозо этади.

Қутб координат системасида текис радиал ҳаракат учун (3.17)-(3.19) тенгламалар мос равишда қуйидаги кўринишга эга бўлади:

$$\frac{1}{r} \frac{\partial}{\partial r} \left[\frac{kh}{\mu} r \frac{\partial\rho}{\partial r} \right] = ch \frac{\partial(m\rho)}{\partial t} \quad (3.17')$$

$$\frac{1}{r} \frac{\partial}{\partial r} \left(\frac{kh}{\mu} r \frac{\partial\rho}{\partial r} \right) = mch \frac{\partial\rho}{\partial t} \quad (3.18')$$

$$\frac{1}{r} \frac{\partial}{\partial r} \left(r \frac{\partial\rho}{\partial r} \right) = \frac{m\mu c}{k} \frac{\partial\rho}{\partial t} \quad (3.19')$$

Бу ерда h - қатлам қалинлиги.

Кам сиқилувчан суюқлик

Бундай суюқлик учун ҳолат тенгламаси (3.15) га мувофиқ

$$\rho = \rho_0 \epsilon^{c(p-p_0)} \quad (3.20)$$

кўринишда бўлади.

Бу ерда $c \approx 10^{-4} / 10^{-5}$ ва ундан ҳам кичик сон, шу сабабли (3.20) ни

$$\rho = \rho_0 \left[1 + c(p - p_0) + \frac{1}{2} c^2 (p - p_0)^2 + \dots \right] \quad (3.21)$$

эканлигидан ва c - нинг кичик миқдорлигидан фойдаланиб

$$p = p_0 [1 + c(p - p_0)] \quad (3.21)$$

шаклида ёзиш мумкин.

(3.21) ифодани (3.17), (3.18), (3.19) тенгламаларга қўйиб, унга мураккаб бўлмаган дифференциаллаш амалларини бажарсак ва

$$\sum_{i=1}^3 \frac{\partial^2 P}{\partial S_i^2} \gg \frac{c \sum_{i=1}^3 \left(\frac{\partial p}{\partial S_i} \right)}{1 + c(p - p_0)} \quad (3.22)$$

эканлигини ҳисобга олсак мос равишда юқорида кўрсатилган шароитларда кам сиқилувчан суюқликнинг сизилиш тенгламаларини ҳосил қиламиз. Бу ерда $S_1 = x$; $S_2 = y$; $S_3 = z$. Хусусан (3.19), (3.19') тенгламалар

$$\Delta^2 p = \frac{m\mu c}{k} \frac{\partial p}{\partial t} \quad (3.23)$$

$$\left(\frac{1}{r} \frac{\partial}{\partial r} r \frac{\partial p}{\partial r} \right) = \frac{m\mu c}{k} \frac{\partial p}{\partial t} \quad (3.23')$$

кўринишда соддалашади.

Идеал газлар учун ҳолат тенгламаси Клапейрон тенгламаси сифатида маълум.

$$pV = \frac{G}{M} RT \quad (3.24)$$

Бунда v - массаси G -га тенг бўлган газнинг ҳажми;
 M - газ молекуляр оғирлиги;
 R - универсал газ доимийлиги;
 T - газнинг абсолют шкала бўйича ҳарорати.

Газнинг зичлиги $\rho = \frac{G}{V}$ бўлгани учун (3.24)

$$\rho = \frac{M}{RT} p \quad (3.25)$$

кўринишда ёзилиши мумкин.

Ер ости қатламларида агарда маълум бир усулда термик таъсир кўрсатилмаса суyoқлик ва газларнинг сизилиши изотермик шарoитда кечади. Шу сабабли (3.25)ни

$$\rho = \rho_{at} \frac{p}{p_{at}} \quad (3.26)$$

шаклида ёзишимиз мумкин ва бу ифодани (3.14) тенгламага қўйиб,

$$\nabla \left(\frac{k}{\mu} \nabla p^2 \right) = 2 \frac{\partial (mp)}{\partial t} \quad (3.27)$$

тенгламани ҳосил қиламиз. Бу тенглама идеал газларнинг бир жинсли бўлмаган, деформацияланувчан ғовак муҳитда сизилиш жараёнини ифодалайди.

Текис радиал ҳаракат учун (3.27) тенглама.

$$\frac{1}{r} \frac{\partial}{\partial r} \left(\frac{k}{\mu} r \frac{\partial p^2}{\partial r} \right) = 2 \frac{\partial (mp)}{\partial t} \quad (3.27')$$

шаклда ёзилади.

Идеал газларнинг деформацияланмайдиган бир жинсли ғовак муҳитда сизилиши

$$\Delta^2 p^2 = \frac{2m\mu}{k} \frac{\partial p}{\partial t} \quad (3.28)$$

тенглама билан ифодаланган.

Бунинг устига ҳаракат текис радиал дейилса:

$$\frac{1}{r} \frac{\partial}{\partial r} \left(r \frac{\partial p^2}{\partial r} \right) = \frac{2m\mu}{k} \frac{\partial p}{\partial t} \quad (3.28')$$

тенглама билан ифодаланган.

Реал газ

Реал газлар ҳолат тенгламалари орасида бизнинг мақсадда фойдаланиш учун энг қулайи Менделеев-Клапейрон тенгламаси.

$$pV = Z \frac{G}{M} RT \quad (3.29)$$

Бу ерда $z = z(p_k, T_k, \omega)$ реал газларнинг ўта сиқилувчанлик коэффициентини, P_k , T_k , ω - мос равишда газнинг келтирилган босими, ҳарорати ва ацентрик фактори.

$$P_k = P/P_{кр}; \quad T_k = T/T_{кр} \quad W_i = \frac{3}{7} \left[\frac{\lg p_{i,cr} / p_{um}}{(T_k p_i) - 1} \right] - 1. \quad \omega = \sum_{i=1}^n V_i \omega_i$$

$P_{кр}$, $T_{кр}$ - газнинг критик босими ва ҳарорати.

$P_{кр,i}$, $T_{кр,i}$, ω_i - реал газ қоришмаси i - компонентининг критик босими, критик ҳарорати ва ацентрик фактори.

y_i - i - компонентнинг қоришмадаги моляр қисми, $0 < y_i \leq 1$

n - қоришмадаги компонентлар сони.

$T_{кр,i}$ - i -компонентнинг қайнаш ҳарорати.

Юқорида идеал газ ҳолат тенгламаси (3.24) юзасидан қилинган мулоҳазаларни (3.29) учун такрорласак (3.26) тенгламанинг реал газлар учун аналогини бўлмиш

$$p = p_{um} \frac{p \cdot Z_{um}}{p_{um} \cdot Z} \quad (3.30)$$

тенгламани ҳосил қиламиз. (3.30) ва (3.14) тенгламаларни бирлаштириш натижасида реал газларнинг биржинсли бўлмаган, деформацияланувчан, ғовак муҳитда сизилишини ифодаловчи тенгламага эга бўламиз.

$$\nabla \left(\frac{k}{\mu Z} \nabla p^2 \right) = 2 \frac{\partial}{\partial t} \left(\frac{mp}{Z} \right) \quad (3.31)$$

Юқорида ўзгармас сиқилувчанликка эга бўлган суюқликнинг ғовак муҳитда сизилиш тенгламаси (3.17) дан маълум бир соддалаштирувчи мулоҳазалар натижасида (3.18), (3.19), тенгламаларни ҳосил қилганимиздек шу каби мулоҳазалар (3.31) тенгламадан реал газлар учун қўйилган соддалаштирувчи шартларга хос тенгламаларни ҳосил қилишимиз мумкин.

Масалан, биржинсли деформацияланмайдиган ғовак муҳит учун реал газларнинг сизилиш тенгламаси

$$\nabla \left(\frac{1}{\mu Z} \nabla p^2 \right) = \frac{2m}{k} \frac{\partial}{\partial t} \left(\frac{p}{Z} \right) \quad (3.32)$$

тегис радиал ҳаракат учун эса

$$\frac{1}{r} \frac{\partial}{\partial r} \left(\frac{r}{\mu Z} \frac{\partial p^2}{\partial r} \right) = \frac{2m}{k} \frac{\partial}{\partial t} \left(\frac{p}{Z} \right) \quad (3.32')$$

ҳосил қиламиз.

Бундай соддалаштирувчи мулоҳазалар ёрдамида суюқлик ва газларнинг ғовак муҳитда сизилишини ифодаловчи қатор тенгламаларни кейинги бобларда муайян масалалар билан боғлиқ ҳолда кўриб ўтамиз.

II - маъруза Бошланғич ва чегаравий шартлар

Олдинги бандда олинган натижалардан кўришиб турибдики, ғовак муҳитда суюқлик ва газларнинг ҳаракат тенгламалари, иккинчи тартибли, хусусий ҳосилали чизиқли ва чизиқсиз дифференциал тенгламалар оиласига мансуб экан. Бундай тенгламалар билан ифодаланувчи жараёнлар юзасидан муайян масалалар математик жиҳатдан тўла қўйилиши ва уларни ечиш учун кўрилаётган масалага мос бошланғич ва чегаравий шартларнинг берилиши зарур.

Бошланғич ва чегаравий шартларнинг, кўрилаётган масаланинг физик моҳиятига кўра, математик ифодаланишини кўриб чиқайлик.

Бошланғич шартлар

Бошланғич шартлар, муайян системанинг кўрилаётган жараён бошланиш momentiдаги ҳолатини математик ифодалашга хизмат қилади. Ғовак муҳитда суюқлик ва газларнинг сизилиши тенгламаларида вақт бўйича биринчи тартибли ҳосила қатнашганлиги сабабли шартнинг бир нуқтада берилиши kifoya. Истисно тариқасида маҳсус масалалар қўйилиши ҳисобга олинмаса, одатда кўрилаётган жараён бошланишида система ҳолати маълум деб қаралади.*

Шу сабабли ҳам вақт бўйича қўйиладиган шарт, бошланғич шарт деб юритилади. Бошланғич шартнинг умумий кўриниши

$$p(x, y, z, 0) = f(x, y, z) \quad (3.33)$$

шаклда бўлиши мумкин. Бу ерда $f(x, y, z)$ - маълум функция, кўрилаётган жараён бошланиш momentiдаги қатламда босим тарқалиш қонуниятини беради.

Хусусий ҳолда жараён бошланиш momentiда қатламда вертикал координата z бўйича босим ўзгариши, яъни оғирлик кучининг таъсири ҳисобга олинмаса ва қатлам юзаси бўйича ҳам босим ҳамма ерда бир хил деб қабул қилинса, бошланғич шарт.

$$f(x, y, z) = P_0 = \text{const.} \quad \text{ёки} \quad P(x, y, z, 0) = P_0 = \text{const} \quad (3.34)$$

кўришида ифоланади.

*) Юқорида келтириб чиқарилган иккинчи тартибли, хусусий ҳосилали дифференциал тенгламалар парабolik тип тенгламалар бўлиб, бу тенгламалар учун ечимнинг мавжудлиги, ягоналиги ва турғунлиги фақат вақтнинг мусбат йуналиши учунгина исботланган. Бу масалалар маҳсус адабиётларда кўрилади.

Чегаравий шартлар

Чегаравий шартлар, вақтнинг исталган қийматида, кўрилаётган системанинг атроф муҳит билан ўзаро алоқасини ифодалайди.

Чегаравий шартлар қуйидагича бўлиши мумкин.

Система чегараси ёنىқ

Яъни ташқи чегара орқали атроф-муҳит билан модда алмашинувишига имкон йўқ. У ҳолда

$$\frac{k}{\mu} \rho \frac{\partial p}{\partial n} / \Gamma = 0 \quad (3.35)$$

Бу ерда n - сизилиши соҳасининг чегараси Γ га ўтказилган ташқи нормал. Текис радиал ҳаракат учун (3.35)

$$\frac{k}{\mu} r \frac{\partial p}{\partial r} / r = R_k = 0 \quad (3.35')$$

шаклда ёзилади.

R_k - қатлам ташқи чегараси (контури) радиуси.

Агар сизилаётган модда қам сиқилувчан суюқлик бўлса (3.35')

$$\frac{k}{\mu} r \frac{\partial p}{\partial r} / r = R_k = 0 \quad (3.36)$$

идеал газ учун эса

$$\frac{k}{\mu} r \frac{\partial p^2}{\partial r} / r = R_k = 0 \quad (3.37)$$

кўринишида ёзилади.

Система чегараси очик

Система чегараси очик бўлганда у ташқи муҳит билан маълум бир қонуниятга мувофиқ модда алмашинади. Чегаравий шарт сифатида ана шу қонуниятнинг математик ифодаси берилади. Масалан кўрилаётган система йирик сув хавзаси билан боғланган ва бу хавзанинг босими деярли ўзгармайди дейилса, у ҳолда,

$$P(x, y, z, t) / \Gamma = P_0 = \text{const} \quad (3.38)$$

Баъзан чегара ёки унинг бир қисми бўйича модда алмашинув тезлигининг нормал бўйича йўналган компоненти берилади.

$$V_n = - \frac{k\rho}{\mu} \frac{\partial p}{\partial n} / \Gamma \quad (3.39)$$

Текис радиал ҳаракат учун ташқи чегара айлана шаклида деб қабул қилинганда

$$\Gamma_n = -\frac{k\mu}{\mu} r \frac{\partial p}{\partial r} / r = R_A \quad (3.40)$$

Хусусан кам сиқилувчан суюқлик учун

$$\Gamma_n = -\frac{k}{\mu} r \frac{\partial p}{\partial r} / r = R_A \quad (3.41)$$

Ғовак муҳит ҳусусиятларининг узилиши (кескин) ўзгариши

Баъзан ғовак муҳит ўтказувчанлигининг маълум бир йўналиш бўйича кескин (узилиши сакраб) ўзгаришини ҳисобга олишга тўғри келади.

Бундай узилиш чизиқларида қўйиладиган чегаравий шартлар физик моҳиятдан келиб чиққан ҳолда қўйилади. Хусусан ғовак муҳитнинг ҳар бир нуқтасида босим бир қиймат қабул қилиши мумкин холос, шундай экан узилиш чизиғининг иккала томонидаги босим тенг бўлиши шарт, яъни

$$\begin{aligned} P(x,y,z,t) |_{G=0} &= P(x,y,z,t) |_{G+0} \\ (x,y,z) \in G, \quad t \geq 0 \end{aligned} \quad (3.42)$$

Худди шунингдек узилиш чизиғининг бир томонидан унга кирган модда унинг иккинчи томондан чиқиши керак, яъни узилиш чизиғида модда сақланиш қонуни бажарилиши шарт

$$\rho \frac{k}{\mu} \frac{\partial p}{\partial n} / G - 0 = \rho \frac{k}{\mu} \frac{\partial p}{\partial n} / G + 0 \quad (3.43)$$

Бу ерда G - узилиш чизиғи нуқталари тўлими, n - x, y, z нуқтада унга ўтказилган нормал.

Барқарор ҳаракат хусусиятлари

Бирор бир жараённинг физик хусусиятлари вақтга боғлиқ бўлмаса, бундай жараёни барқарор дейилади. Ҳовак муҳитда суyoқлик ва газларнинг ҳаракат курсаткичлари (исталган нуқтадаги босим, тезлик) вақтга боғлиқ бўлмаса, яъни вақтга нисбатан ўзгармаса бундай ҳаракат барқарор ҳаракат дейилади.

Демак, барқарор ҳаракатни ифодаловчи тенгламаларда вақт бўйича ҳосила нолга тенг бўлади ва бошланғич шартнинг қўйилишига ҳожаг қолмайди. Ҳусусан олдинги бобда келтириб чиқарилган кам сиқилувчан суyoқликлар ва идеал газ ҳаракати тенгламалари (3.23), (3.23'), (3.28), (3.28'), мос равишда қуйидаги кўринишда ёзилади.

$$\nabla^2 p = 0 \quad (4.1)$$

$$\frac{d}{dr} \left(r \frac{dp}{dr} \right) = 0 \quad (4.1')$$

$$\nabla^2 p^2 = 0 \quad (4.2)$$

$$\frac{d}{dr} \left(r \frac{dp^2}{dr} \right) = 0 \quad (4.2')$$

Ҳовак муҳитда суyoқлик ва газларнинг барқарор ҳаракати масаларини ечиш айниқса бир ўлчовли ҳаракат учун мураккаб усулларни талаб қилмайди. Бундай масалалардан баъзиларини кўриб ўтайлик.

Суyoқликларнинг барқарор текис параллел ҳаракати

Текис параллел ҳаракат бир йўналиш бўйича ўзгариши мумкин, бу йўналишни x ўқи йўналиши деб қабул қилсак, ҳаракат тенгламаси.

$$\frac{d}{dx} \left(\frac{k(x)}{\mu} \frac{dp}{dx} \right) = 0 \quad (4.3)$$

кўринишда бўлади ёки

$$\frac{k(x)}{\mu} \frac{dp}{dx} = \text{const.} \quad (4.4)$$

(4.4) муносабатни ҳаракат соҳасининг кўндаланг кесими юзаси A га кўпайтириб, Дарси қонунига мувофиқ

$$-\frac{k(x)A}{\mu} \frac{dp}{dx} = q = \text{const.} \quad (4.5)$$

$$\text{ёхуд} \quad -\frac{dp}{dx} = \frac{\mu q}{A k(x)}$$

шаклда ёзиш мумкин.

Сизилиш соҳаси ($0 < x < L$) чегараси $x=0$ ва $x=L$ нуқталарда чегаравий шартлар қўйилиши керак.

Агар иккала чегарада ҳам босим қиймати берилган десак,

$$P(0)=P_1; \quad P(L)=P_2 \quad (4.7)$$

у ҳолда

$$\int_0^L \mu p = q \mu \int_0^L \frac{dx}{k(x)}$$

демак
$$P_2 - P_1 = \frac{q \mu L}{a k} \quad (4.8)$$

бу ерда
$$\frac{1}{k} = \frac{1}{L} \int_0^L \frac{dx}{k(x)} \quad (4.9)$$

ёки k ўтказувчанлик $k(x)$ нинг сизилиш соҳаси бўйича ўрта гармоник, қийматига тенг. Бундан фойдаланиб (4.8) тенглик

$$q = \frac{k A (p_2 - p_1)}{\mu L} \quad (4.10)$$

кўринишда ёзилиши мумкин.

Тоғ жинслар намуналарида суюқлик сизилишининг, тадқиқоти давомида (4.10) формула, лаборатория тажрибалари ёрдамида, намунанинг ўтказувчанлигини аниқлаш учун ишлатилади.

Агарда қатлам бир жинсли $k(x)=k = \text{const}$ бўлса, (4.3) тенгламанинг умумий ечими

$$p(x) = C_1 x + C_2 \quad (4.11)$$

ва унинг (4.7) чегаравий шартларни қаноатлантирувчи ечими;

$$P(x) = \frac{p_2 - p_1}{L} x + p_1 \quad (4.12)$$

кўринишда булади.

(4.11), (4.12) дан ғовак муҳитда суюқликларнинг барқарор текис параллел ҳаракатида, сизилиш соҳасининг исталган нуқтасидаги босим қиймати, сизилиш соҳаси чегараларидаги босим қийматлари орасида тўғри чизиқли қонуниятга мувофиқ ўзгариши кўриниб турибди.

Барқарор текис радиал ҳаракат

Фараз қилайлик радиуси R_k бўлган, доира шаклидаги, қалинлиги ўзгармас бўлган бир жинсли ғовак қатламдан унинг марказида жойлашган R_k радиусли қудуқ ёрдамида суюқлик олинмоқда. Қудуқ қатламни бутун қалинлиги бўйича очан. Қудуқни ишлатиш режими сифатида унинг

деворида босим қиймати $P(R_c)=P_c$ берилган. Қатламнинг ташқи чегарасида ҳам босим қиймати $P(R_k)=P_k$ берилган.

Кўрсатилган шартларда қатламда суюқликнинг барқарор ҳаракат масаласи математик жиҳатдан қуйидагича ифодаланади.

$$\frac{d}{dr} \left(r \frac{dP}{dr} \right)$$

$$P(R_c)=P_c$$

$$P(R_k)=P_k \quad (4.13)$$

Ушбу масаланинг умумий ечими

$$P(r)=C_1 \ln r + C_2 \quad (4.14)$$

кўринишда бўлади.

Берилган чегаравий шартларни қаноатлантиручи хусусий ечим эса

$$P(r) = P_c + \frac{P_c - P_k}{\ln \frac{R_c}{R_k}} \ln \frac{r}{R_k} \quad (4.15)$$

формула орқали берилади.

Олинган ечимдан кўриниб турибдики, текис радиал ҳаракатда босим тарқалиши қонуниятига (4.15), текис параллел ҳаракат масаласи ечими, (4.12) дан фарқли ўлароқ, логарифмик хусусиятга эга экан. Ушбу ечимларнинг ((4.12), (4.15)) яна бир хусусияти шундаки, иккала ҳолда ҳам, биржинсли ғовак муҳитда босим тарқалиш қонуниятига, қатлам ҳамда сизилаётган суюқлик хусусиятларига (ғоваклик, ўтказувчанлик, қовушқоқлик коэффициентлари) боғлиқ бўлмайди. Масаланинг берилган шартларида қудуқ маҳсулдорлигини ҳисоблаб кўрайлик.

$$G = S \rho V \quad (4.16)$$

Бу ерда S - қатламдан қудуққа келаётган оқим юзаси, яъни қудуқнинг қатламини очган қисми юзаси $S = 2\pi R_k h$

h - қатлам қалинлиги м,

ρ - суюқлик зичлиги кг/м^3

V - оқим тезлиги м/сек

G - масса жиҳатидан қудуқ маҳсулдорлиги, кг/сек.

Агар қудуқ маҳсулдорлиги ҳажмий жиҳатидан кўриладиган бўлса;

$$Q = \frac{G}{\rho} S V \quad (4.17)$$

Q - ҳажм жиҳатидан қудуқ маҳсулдорлиги, $\text{м}^3/\text{сек}$.

Дарси қонунига биноан қудуқ деворидаги оқим тезлиги:

$$v = -\frac{k}{\mu} \frac{dp}{dr} / r = R_c \quad (4.18)$$

Масала ечимини (4.15) дан r бўйича ҳосила олсак

$$\frac{dp}{dr} = \frac{p_c - p_k}{\ln \frac{R_c}{R_k}} \frac{1}{r} \quad (4.19)$$

га эга бўламиз. Бунда ҳосила ифодаси олдида „-“ ишора, ҳаракат йўналиши координата ўқининг мусбат йўналишига қарама-қарши эканлигини ҳисобга олади. Бу ифодани (4.18) муносабатга қўйиб, унинг натижаси ва S юза қийматини (4.17) га қўйсак

$$Q = \frac{2\pi kh}{\mu} \frac{p_c - p_k}{\ln \frac{R_c}{R_k}} \quad (4.20)$$

ҳосил бўлади.

(4.20) формула илк бор уни келтириб чиқарган Француз муҳандиси Дюпюи шарафига Дюпюи формуласи деб юритилади.

(4.20) формуладан кўришиб турибдики, босим тарқалиши суюқлик ва муҳит ҳусусиятига боғлиқ бўлмасда, қудуқ маҳсулдорлиги - босим ўзгариши, муҳит ва суюқлик ҳусусиятларига бевосита боғлиқ.

Биржинсли суyoқлик ва газларнинг ғовак муҳитда барқарор бўлмаган ҳаракати.

Кам сиқилувчан суyoқликларнинг бир жинсли ғовак муҳитда барқарор бўлмаган муҳитда текис параллел ҳаракати.

Бундай ҳаракат тенгламаси (3.23) тенгламадан хусусий ҳолда бир йўналиш учун келтириб чиқарилади ва

$$\frac{\partial^2 p}{\partial x^2} = \frac{m \mu c}{k} \frac{\partial p}{\partial t} = \frac{1}{X} \frac{\partial p}{\partial t} \quad (5.1)$$

кўринишда бўлади.

Бу тенглама кўриниш жиҳатидан иссиқлик ўтказиш тенгламасидан фарқ қилмайди.

Бунда X - иссиқлик ўтказиш коэффициентининг аналог; P - температури аналог.

В.Н. Шелкачев таклифи билан X пьезопроводность (босим ўтказиш) коэффициенти деб қабул қилинган

Мана шу энг оддий ҳол учун ҳам барқарор бўлмаган ҳаракат масалаларининг аниқ ечими умуман олганда маълум эмас.

(5.1) тенгламанинг аналитик ечими фақат автомодел ҳол учунгина махсус интеграл орқали берилди. Биз олдинги бобда барқарор текис параллел ҳаракат масаласини кўрганганимизда хусусий ҳосиллади (5.1) тенглама ўрнига оддий дифференциал тенгламага эга бўлиб унинг умумий ечимини осонгина топган эдик. Шу сабабли бўлса керак (5.1) тенгламанинг умумий ечимини топиш йўлида уни ўзгарувчини алмаштириш йўли билан оддий дифференциал тенгламага келтиришнинг иложи йўқмикин деган савол туғилган

Қўйилган саволга ижобий жавоб бериш учун икки аргумент ўрнига бир аргумент (ξ) киритиш имкони бормикин деган саволга жавоб бериш керак булади, яъни қандайдир $\xi = \xi(x, t)$ муносабат билан янги ξ ўзгарувчи киритиш керак бўлади.

У ҳолда мураккаб функцияларни дифференциаллаш қондасига мувофиқ;

$$\frac{\partial p}{\partial t} = \frac{dp}{d\xi} \frac{\partial \xi}{\partial t} \quad \frac{\partial p}{\partial x} = \frac{dp}{d\xi} \frac{\partial \xi}{\partial x}$$

$$\frac{\partial^2 p}{\partial x^2} = \frac{\partial}{\partial x} \left(\frac{\partial p}{\partial x} \right) = \frac{\partial}{\partial x} \left(\frac{dp}{d\xi} \frac{\partial \xi}{\partial x} \right) = \frac{d^2 p}{d\xi^2} \left(\frac{\partial \xi}{\partial x} \right)^2 + \frac{dp}{d\xi} \frac{\partial^2 \xi}{\partial x^2}$$

(5.1) тенгламани қуйдаги кўринишда ёзиш мумкин

$$\frac{dp}{d\xi} \frac{\partial \xi}{\partial t} = \chi \left[\frac{d^2 p}{d\xi^2} \left(\frac{\partial \xi}{\partial x} \right)^2 + \frac{dp}{d\xi} \frac{\partial^2 \xi}{\partial x^2} \right] \quad (5.2)$$

Энди ҳозирча ихтиёрлий бўлган $\xi(x,t)$ функцияни танлаш ҳисобида (5.2) тенгламани оддий дифференциал тенгламага келтиришга уриниб кўрайлик.

Бунини учун

$$\xi(x,t) = X(x) \cdot T(t) \quad (5.3)$$

шаклида қидирайлик, у ҳолда

$$\frac{\partial \xi}{\partial x} = X' T, \quad \frac{\partial^2 \xi}{\partial x^2} = X'' T, \quad \frac{\partial \xi}{\partial t} = X T' \quad (5.4)$$

Бу ифодаларни (5.2) тенгламага қўйиб,

$$\frac{dp}{d\xi} \frac{X T'}{T^2} = \chi \left[\frac{d^2 p}{d\xi^2} X'^2 + \frac{dp}{d\xi} \frac{X''}{T} \right] \quad (5.5)$$

эга буламиз.

Агар (5.3) га мувофиқ $X' = \frac{\xi}{T}$ эканлигини инобатга олсак (5.5) тенглама қуйидаги кўринишни олади:

$$\frac{dp}{d\xi} \frac{X T''}{T^3} = \chi \left[\frac{d^2 p}{d\xi^2} X'^2 + \frac{dp}{d\xi} \frac{X''}{T} \right] \quad (5.6)$$

Энди ҳозирча ихтиёрлий бўлган $X(x)$ ва $T(t)$ функцияларни шундай танлайликки (5.6) тенглама оддий дифференциал тенгламага айлансин.

$$\text{Бунинг учун } X' = a, \quad \frac{T'}{T^3} = \nu \quad (5.7)$$

бўлиши кифоя. Бунда a ва ν - ўзгармас сонлар.

(5.7) системанинг биринчи тенгласидан

$$X = ax + c_1; \quad X'' = 0 \quad (5.8)$$

эга буламиз. (5.7) системанинг иккинчи тенгласидан

$$\frac{1}{T^3} \frac{dT}{dt} = \nu, \quad \text{ёки} \quad \nu dt = \frac{dT}{T^3}, \quad \nu t = -\frac{1}{2T^2} + C_2 \quad (5.9)$$

ҳосил қиламиз.

Агарда (5.8) ва (5.9) ифодаларда интеграллаш доимийлиги $C_1 = 0$, $C_2 = 0$ ҳамда $a=1$ ва $\nu = \frac{1}{2}$, деб қабул қилсак

$$X = x, \quad T = t^{-1/2}, \quad \xi = x/\sqrt{t} \quad (5.10)$$

келиб чиқади ва (5.6) тенглама

$$\frac{1}{2} \frac{dp}{d\xi} \xi = \chi \frac{d^2 p}{d\xi^2} \quad (5.11)$$

кўринишга ўтади. Бу тенгламанинг умумий ечими

$$P(\xi) = C_1 \int e^{-\frac{\xi^2}{2\chi}} d\xi + C_2 = P(x,t) \quad (5.12)$$

шаклда ёзилади.

(5.11) тенглама иккинчи тартибли оддий дифференциал тенглама унинг ечимида иккита C_1 , C_2 интеграллаш доимийлиги қатнашади. Уларнинг қийматини, яъни (5.11) тенгламанинг ҳусусий ечимини топиш учун ξ буйича икки нуқтада шарт берилиши кифоя. Аммо (5.1) тенгламани ечиш учун бошланғич ва иккита чегаравий шарт берилиши керак эди. Демак x ва t ўзгарувчилардан ξ га ўтиш жараёнида учта шарт икки шартга ўтмоғи ҳам зарур. Бунинг учун (5.10) ўзгарувчини алмаштириш муносабатиغا мурожаат қилсак;

$t = 0$ да $\xi \rightarrow \infty$ ва $x = 0$ да $\xi = 0$ эканлигини кўрамиз. X - бўйича иккинчи чегаравий шартнинг ҳам қаноатлантириши учун у фақатгина $X \rightarrow \infty$ да берилиши керак, чунки у ҳолда бу шарт бошланғич шарт $t \rightarrow 0$ билан бир вақтда $\xi \rightarrow \infty$ бўлганда қаноатлантирилади. Демак (5.1) - тенгламанинг автомодел ечими мавжуд бўлиши учун бошланғич ва чегаравий шартлар

$$\begin{aligned} P(x, 0) &= P_c \\ P(0, t) &= P_k \\ P(x, t) |_{x \rightarrow \infty} &= P_0 \end{aligned} \quad (5.13)$$

кўринишда бўлиши керак экан.

(5.13) шарт ξ ўзгарувчи учун

$$\begin{aligned} P(0) &= P_c \\ P(\xi) |_{\xi \rightarrow \infty} &= P_0 \end{aligned} \quad (5.14)$$

шаклда бўлади.

Агар (5.12) ечим учун (5.14) шартнинг бажарилишини таъминласак

$$P_0 - P(x, t) = (P_0 - P_c) \left(1 - \operatorname{erf} \frac{x}{2\sqrt{\chi t}} \right) = (P_0 - P_c) \left(1 - \frac{2}{\sqrt{\pi}} \int_0^{\frac{x}{2\sqrt{\chi t}}} \exp(-u^2) du \right) \quad (5.15)$$

кўринишдаги ечимга эга буламиз.

Бу ерда

$$U = \frac{\xi}{2\sqrt{\chi}} = \frac{x}{2\sqrt{\chi t}}$$

ўзгарувчини алмаштиришдан ҳамда

$$\int_{-\infty}^{\infty} \exp(-u^2) \chi du = \frac{\sqrt{\pi}}{2} \quad (5.16)$$

Пуассон интегралидан фойдаланилди.
(5.15) ечимда қатнашган

$$erf = \frac{2}{\sqrt{\pi}} \int_0^x \exp(-u^2) \quad (5.17)$$

маҳсус интеграл бўлиб, у эҳтимоллик интеграли деб юритилади.
Бу интегралнинг қиймати жадвал ҳолида берилади.

Суюқликларнинг барқарор бўлмаган текис параллел ҳаракати
масалаларини ечишнинг ўрта қийматлар усули

Юқориди биз, суюқликларнинг деформацияланмайдиган бир жишлитовак муҳида барқарор бўлмаган текис параллел ҳаракати тенгламаси (5.1) учун, автомодел ечим мавжуд булиш шартлари (5.13) бажарилган ҳолда, автомодел ечим (5.15) ни топиш йўли билан танишдик.

Автомодел ечимни олиш жараёнида биз юритган мулоҳазаларга мувофиқ, автомодел ечимнинг мавжуд бўлиш шартлари жуда қаттиқ чегараланган ҳоллардагина бажарилиши, (5.1) тенглама учун қўйилган масалаларни ечишнинг бошқа кенгроқ кўламда қўллаш имконини берадиган усулни топишни тақозо этади.

Бундай усуллардан бири Ю.Д.Соколов [] таклиф қилган ўрта қийматлар усулидир. Ўрта қийматлар усулининг асосий моҳиятини уш қуйидаги масалани ечишга қўллаш жараёнида кўриб чиқайлик.

$$\left. \begin{aligned} \frac{\partial^2 p}{\partial x^2} &= \frac{1}{\chi} \frac{\partial p}{\partial t} \\ p(x, 0) &= p_0 \\ p(0, t) &= p_c \\ p(L, t) &= p_0 \end{aligned} \right\} \quad (5.18)$$

Ўз-ўзидан кўриниб турибдики (5.18) масала автомоделлик шартини бажармайди, чунки қатлам чегараланган ва қўйилган масаланинг бошланғич шarti ва қатлам ташқи чегарасидаги шартлар биргаликда бажарилишини таъминлаб бўлмайди.

Ўрта қийматлар усулига мувофиқ, (5.18) масаласидаги тенгламанинг ўнг томонидаги ҳадни унинг ўрта қиймати билан алмаштирамиз, яъни

$$\frac{\partial^2 p}{\partial x^2} = F(t) \quad (5.19)$$

$$F(t) = \frac{1}{l} \int_0^l \frac{1}{\chi} \frac{\partial p}{\partial t} dx \quad (5.20)$$

Бу ерда l умуман олганда $l(t)$, t вақтгача $x=0$ нуқтадаги галерея ишлаши натижасида қатламда босим камайишининг етиб борган чегараси. $x \geq l$ нуқталар учун $p(x, t) = p_0$.

Демак (5.18) масаласининг учинчи шартини

$$p(l, t) = p_0 \quad (5.21)$$

билан алмаштиришимиз мумкин.

Бундан ташқари t -оний ҳолат учун

$$\left. \frac{\partial p}{\partial x} \right|_{x=l} = 0 \quad (5.22)$$

ва (5.18) нинг биринчи шартига мувофиқ, шартларини ҳосил қиламиз.

$$l(0) = 0, \quad (5.23)$$

(5.22) шарт $l(t) = L$ га қадар кучга эга бўлади ва бу давр биринчи фаза деб аталади. $l(t) = L$ шарт бажарилганидан кейин иккинчи фаза бошланади ва бу фазада (5.21) шарт

$$P(L, t) = P_0$$

(5.23) шарт эса

$$\left. \frac{\partial p}{\partial x} \right|_{x=L} = q(t) \quad (5.24)$$

кўринишга ўтади

Бу ерда $q(t)$ - қалам чегарасида P_0 -босимни ушлаб туриш учун қатламга ташқаридан кириб келиши керак бўлган модда миқдори.

Биринчи фаза давомида кўрилатган масаланинг ечими қуйидагича топилади.

(5.19) ни бир марта интегралласак

$$\frac{\partial p}{\partial x} = F(t)x + c_1$$

ҳосил қиламиз ва (5.22) га мувофиқ;

$$C_1 = -F(t) \cdot l(t) \quad \text{ёки}$$

$$F(t) = -\frac{c_1}{l(t)} \quad (5.25)$$

эга буламиз, демак

$$\frac{\partial p}{\partial x} = -\frac{c_1}{l(t)} x + c_1$$

бу ифодани интегралласак

$$P = -\frac{c_1}{l(t)} \frac{x^2}{2} + c_1 x + c_2$$

кўринишдаги умумий ечимни топамиз.

Интеграллаш доимийликлари c_1 ва c_2 ни аниқлаш учун (5.18) нинг иккинчи шarti ва (5.21) шартлардан фойдаланамиз.

Шунга мувофиқ

$$C_2 = P_C; \quad C_1 = 2 \frac{P_0 - P_C}{l(t)} \quad (5.27)$$

ҳосил қиламиз ва ниҳоят бу ифодаларни (5.26) га қўйиб,

$$P(x,t) = \frac{P_0 - P_c}{l(t)} \left[-\frac{x^2}{l(t)} + 2x \right] + P_c \quad (5.28)$$

кўринишдаги ечимга эга бўламиз.

Бу ерда $l(t)$ ҳозирча номаълум. $l(t)$ ни аниқлаш учун (5.28) дан (5.20) бўйича ҳосила оламиз

$$\frac{\partial p}{\partial t} = (P_0 - P_c) \left[-\frac{l'(t)x^2}{l^2} + \frac{l'(t)x}{l} \right] \quad (5.29)$$

ифодани (5.20) қўйиб интеграллаш амалини бажарамиз.

$$\begin{aligned} F(t) &= \frac{1}{l(t)} \int_0^{l(t)} \frac{1}{\chi} (P_0 - P_c) \left[-\frac{l'(t)x^2}{l^2} + \frac{l'(t)x}{l} \right] dx = \\ &= \frac{(P_0 - P_c)}{l(t)\chi} \left[-\frac{l'(t)x^2}{2l^2} + \frac{l'(t)x^2}{2l} \right]_{x=0}^{x=l(t)} = \frac{2(P_0 - P_c) l'(t)}{l(t)\chi} \end{aligned} \quad (5.30)$$

(5.25) ва (5.27) га мувофиқ;

$$\frac{2(P_0 - P_c)}{l^2(t)} = \frac{2(P_0 - P_c) l'(t)}{l(t)\chi} \quad (5.31)$$

ёки $\chi = l(t) l'(t)$

(5.31)ни интеграллаб (5.23) шартни бажарилишини талаб қилсак

$$l(t) = \sqrt{12\chi t} = 2\sqrt{3\chi t} \quad (5.32)$$

эга бўламиз.

Демак биринчи фаза учун қўйилган масаланинг ечими (5.28) ва (5.32) муносабатлар орқали берилади. Бунда t нинг $0 \leq t \leq T$ оралиқаги исталган қийматида (5.32) ифодадан $l(t)$ аниқланади ва бу қийматни (5.28)га қўйиб $0 < \chi < l(t)$ учун $P(x,t)$ аниқланади. 2-фаза учун ечим ҳудди шу йўсинда изланади, фақат бу ҳолда $l(t) = L$ қабул қилиниб, номаълум $q(t)$ қиймати (5.20) ва (5.24) ифодалар ёрдамида топилади ва қаралаётган масала учун қўйидаги кўринишга эга бўлади.

$$P = P_c + q(t) \left(\frac{x^2}{L} - x \right) \quad P_0 - P_c \left(\frac{x^2}{L} - x \right) \quad (5.33)$$

$$q(t) = \frac{P_0 - P_c}{L} \left\{ 1 - \exp \left[-\frac{12\chi}{L^2} (t - T) \right] \right\} \quad (5.34)$$

2-фаза учун қатламнинг исталган нуқтасидаги босим қиймати 1 фазадаги сингари $t \geq T$ учун (5.34) формула ёрдамида $q(t)$ аниқланиб, (5.33) ёрдамида ҳисобланади.

Текис радиал ҳаракат масалаларини ечишда ўрта қийматлар усулининг қўлланилиши.

Фовак муҳитда суяқлик ва газларнинг филтрацияси гаҳқиқоти борасида текис радиал ҳаракати масалалари амалиётда қўлланиш кўлами жиҳатидан алоҳида аҳамиятга эга. Қўйида ўрта қийматлар усули ёрдамида суяқликларнинг текис радиал ҳаракати масалаларини ечишга бир мисол келтирамиз. Ўрта қийматлар усули Ю.Д.Соколов гомонидан таклиф қилинган бўлиб, [.], нефт сизилиши масалаларини ечишда биринчи бор Г.П. Гусейнов қўллаган.

Фараз қилайлик R_c радиусли доира шаклидаги қатлам марказида жойлашган R_c радиусли қудуқ ўзгармас q дебит билан ишламоқда. Қатламнинг бошланғич босими P_0 , ташқи чегараси ёпиқ. Қатламда босим тарқалиш қонуниятини топиш талаб қилинади.

Ушбу масаланинг математик қўйилиши (моделли) қўйидагича ифодаланади.

$$\frac{1}{r} \frac{\partial}{\partial r} \left(r \frac{\partial p}{\partial r} \right) = \frac{1}{\chi} \frac{\partial p}{\partial t} \quad (5.35)$$

$$\begin{aligned} R_c < r < R_k, \quad t > 0 \\ P(r, 0) = P_0 \end{aligned} \quad (5.36)$$

$$r \frac{\partial p}{\partial r} \Big|_{r=R_c} = \frac{\mu}{2\pi k h} q = Aq \quad (5.37)$$

$$r \frac{\partial p}{\partial r} \Big|_{r=R_k} = 0 \quad (5.38)$$

Келтирилган масалани ечишда ўрта қийматлар усули қўлланилганда (5.35) - (5.38) масала қўйидаги кўринишга ўтади. (1-фаза)

$$\frac{1}{r} \frac{\partial}{\partial r} \left(r \frac{\partial p}{\partial r} \right) = F(t) \quad (5.39)$$

$$R_c < r < R,$$

$$r \frac{\partial p}{\partial r} \Big|_{r=R_c} = Aq \quad (5.40)$$

$$r \frac{\partial p}{\partial r} \Big|_{r=R} = 0 \quad (5.41)$$

$$P(R, t) = P_0 \quad (5.42)$$

$$F(t) = \frac{2}{R^2 - R_c^2} \int_{R_c}^R \frac{1}{\chi} \frac{\partial p}{\partial t} r dr \quad (5.43)$$

$$R(t)/r = R_c \quad (5.44)$$

(5.39) тенгламани r бўйича бир марта интегралласак

$$r \frac{\partial p}{\partial r} = F(t) \frac{r^2}{2} + C_1 \quad (5.45)$$

ҳосил қиламиз.

(5.40), (5.41) шартларни қаноатлантирсак;

$$C_1 = -F(t) \frac{R^2}{2}$$

$$F(t) = -\frac{2Aq}{R^2 - R_c^2} \quad (5.46)$$

$$C_1 = \frac{AqR^2}{R^2 - R_c^2} \quad (5.47)$$

келиб чиқади.

(5.46) ва (5.47) дан $F(t)$ ва C_1 қийматларини (5.44) тенгламага қўйиб, r бўйича интеграллаш амалини бажарсак ва $R_c^2 \ll R_k^2$ эканлигини эътиборга оласак.

$$P = -\frac{Aqr^2}{2R^2} + Aq \ln r + C_2$$

ҳосил қиламиз.

(5.42) шартни бажарилишини талаб қилсак;

$$C_2 = P_0 + Aq \left(\frac{1}{2} - \ln R \right)$$

келиб чиқади, ва демак

$$P(r,t) = P_0 + \frac{Aq}{2} \left(1 - \frac{r^2}{R^2(t)} \right) + Aq \ln \frac{r}{R(t)} \quad (5.48)$$

счимни оламиз.

$R(t)$ қийматни топиш учун (5.43) муносабатдан фойдаланамиз.

Бунда (5.48) тенгламадан t бўйича ҳосила олиб, (5.43) даги интеграллаш амалини бажарсак ($R_c^2 \ll R_k^2$ эканлигини эътиборга олиб),

$$F(t) = -\frac{AqR^e}{2\chi R} \quad (5.49)$$

келиб чиқади.

$$\text{Бу ерда } R^e = \frac{dR}{dt}$$

(5.46) тенглик ёрдамида

$$R \frac{dR}{dt} = 4\chi \quad (5.50)$$

дифференциал тенгламага эга бўламиз. (5.50) тенгламани интеграллаб, (5.44) шартнинг бажарилишини талаб қилсак

$$R(t) = \sqrt{R^2 + 8\chi t} \quad (5.51)$$

эканлигини топамиз.

Демак қўйилган масаланинг ечими исдалган $t > 0$ учун (5.51) дан $P(t)$ нинг қийматини топиш ва бу қийматчи (5.48) муносабагга қўйиб, исдалган $R_c < r < R(t)$ учун $P(r, t)$ қийматини аниқлаш йўли билан берилади.

Қўрилган масаланинг иккинчи фаза учун ($R(T) = R_k, t > T$) ечими ушбу бобнинг (5.2) бандида келтирилгандек топилади.

(5.35) тенглама учун (5.37) ва (5.38)дан бошқача чегаравий шартлар берилган ҳолдаги ечими юқорида келтирилган йўсинда топилади.

Газларнинг бир жинсли ғовак муҳитда текис радиал ҳаракати

Идеал газларнинг биржинсли ғовак муҳитда текис радиал ҳаракати (3.28') тенглама билан ифодаланади.

$$\frac{1}{r} \frac{\partial}{\partial r} \left(r \frac{\partial p}{\partial r} \right) = \frac{2m\mu}{k} \frac{\partial p}{\partial t}$$

Келтирилган тенгламанинг, ушбу бобнинг олдинги бандларида кўрилган масалалардаги, сувоқликларнинг текис радиал ҳаракатини ифодаловчи тенгламадан фарқи, унинг чизиқсиз эканлигидадир. Шу сабабли ушбу тенглама асосида қўйилган масалаларни аналитик ечимини олишда аввал уни чизиқли ҳолга келтириш талаб қилинади. Бу тенгламани чизиқли ҳолга келтиришда, нефт ва газ ер ости гидродинамикасининг асосчиси Л.С.Лейбензон киритган ва унинг шарафига Лейбензон функцияси деб юритиладиган

$$P = \int \rho \lambda dr \quad (5.52)$$

$$\tau = \int \frac{dr}{dP} \rho \lambda dt \quad (5.53)$$

ифодалар билан бериладиган ўзгарувчини алмаштиришдан фойдаланилади.

(5.52) ва (5.53) муносабатлар ёрдамида (3.28') тенглама қуйидаги кўринишга ўтади.

$$\frac{1}{r} \frac{\partial}{\partial r} \left(r \frac{\partial P}{\partial r} \right) = \frac{m\mu}{k} \frac{\partial P}{\partial \tau} \quad (5.54)$$

Идеал газлар учун (5.53) муносабат.

$$\tau = \int P(r,t) dt \quad (5.55)$$

кўринишга ўта бўлади.

Ушбу муносабатни янада соддалаштириш мақсадида интеграл остидаги $P(r,t)$ номатлум функцияни унинг бошланғич қиймати $P(r,0)=P_0=Const$ билан алмаштириш таклиф қилинган у ҳолда $\tau = P_0 t$ ва (5.54) тенглама

$$\frac{1}{r} \frac{\partial}{\partial r} \left(r \frac{\partial P}{\partial r} \right) = \frac{m\mu}{kP_0} \frac{\partial P}{\partial \tau} \quad (5.56)$$

кўринишга ўтади.

Ўтказилган тадқиқотлар, бундай ўзгарувчини алмаштириш, (5.56) тенгламага қўйилган масалаларнинг ечимидан олинадиган қатламда босим

тарқалини, (3.28') тенгламага қўйилганга нисбатан кичик қийматлар беришини ва улар орасидаги фарқнинг вақт давомида ўсиб боришини кўрсатган.

Ечим аниқлигини оширини мақсадида (5.55) муносабатда

$$P(r, t) = p(t) = \frac{2}{R_1^2 - R_2^2} \int_{R_2}^{R_1} P(r, t) r dr \quad (5.57)$$

деб қабул қилиш ва $p(t)$ - қатлам бўйича t вақтдаги ўртача босим қийматини материал баланс тенгласи ёрдамида топиш таклиф қилинган.

(5.57) алмаштириш ёрдамида (5.54) тенглама

$$\frac{1}{r} \frac{\partial}{\partial r} \left(r \frac{\partial P}{\partial r} \right) = \frac{m\mu}{k\rho(t)} \frac{\partial P}{\partial t} \quad (5.58)$$

кўринишга ўтади.

Говак муҳитда реал газларнинг сизилиши текис радиал ҳаракат учун (3.31') тенгламанинг қуйидаги кўриниши билан ифодаланади.

$$\frac{1}{r} \frac{\partial}{\partial r} \left(\frac{k}{\mu z} r \frac{\partial p^2}{\partial r} \right) = 2m \frac{\partial}{\partial t} \left(\frac{p}{z} \right) \quad (5.59)$$

тенгламани чиқиқли кўринишга ўтказиш учун қўлланиладиган Лейбензон функцияси қуйидаги кўринишга эга бўлади.

$$p = \int \frac{k(p)p}{\mu(p)z(p)} dp \quad (5.60)$$

$$\tau = \int \frac{k(p)p}{\mu(p) \left(1 - \frac{z'}{z} p \right)} dt \quad (5.61)$$

ва бу алмаштириш ёрдамида (5.59) тенглама,

$$\frac{1}{r} \frac{\partial}{\partial r} \left(r \frac{\partial P}{\partial r} \right) = m \frac{\partial P}{\partial \tau} \quad (5.62)$$

кўринишга ўтади.

Говак муҳитда идеал газларнинг сизилиши (5.58) ва реал газлар учун (5.62) тенгламалар асосида қўйилган масалаларни аналитик ечишда юқорида келтирилган усулларни, хусусан ўрта қийматлар усулини қўллаш мумкин бўлибгина қолмай, олинган ечимнинг амалиёт учун керакли даражада аниқлик бериши кўплаб тадқиқотчилар томонидан таъкидланган.

Ушбу бобнинг текис радиал ҳаракат масалаларини ечишда ўрта қийматлар усулининг қўлланилиши бандида ғовак муҳитда суюқликларнинг барқарор бўлмаган текис радиал сизилиши масалаларидан бирини ((5.35)- (5.38)) ечишда Ю.Д.Соколовнинг ўрта қийматлар усулининг қўлланилиши кўрсатилган эди.

Қуйида ўрта қийматлар усулининг аниқлигини ошириш имкони ҳақида сўз боради.


Барқарор бўлмаган ҳаракат масалаларини ечишнинг бошланғич даврида бу масалалар барқарор ҳаракатлар кетма-кетлиги усулини қўллаш йўли билан талқин қилинган ва унга мувофиқ текис радиал ҳаракатда кўришадиган t вақт учун $R_c < r < R(t)$ чегарасида $\frac{\partial p}{\partial t} = 0$ деб қабул қилиниб, босим тарқалиш қонуниятини ва унинг ўзгариш чегараси $R(t)$ қиймати топишган 1953 йилда Ю.Д.Соколов ўрта қийматлар усулини таклиф қилар экан, $R_c < r < R(t)$ чегарасида $\frac{\partial p}{\partial t}$ ни унинг ўрта қиймати билан, яъни

$$\frac{1}{\chi} \frac{\partial p}{\partial t} \approx F(t) = \frac{2}{R^2 - R_c^2} \int_{R_c}^R \frac{1}{\chi} \frac{\partial p}{\partial t} r dr$$

билан алмаштирган.

Бу таклиф барқарор бўлмаган ҳаракат масалалари ечими аниқлигини анчагина ошириш имконини берган ва амалда кенг қўлланилиб келган [1].

Агар биз $\frac{\partial p}{\partial t}$ ўзгариш қонуниятини таҳлил қилсак, унинг қудуқ деворида максимал қийматга эга бўлиши ва қудуқ деворидан узоқлашган сари монотон камайиб, t вақт учун босимнинг ўзгариш чегараси $R(t)$ да полга тенг бўлишини кўрамиз (расмга қараиң)



Шунга кўра, номаълум $\frac{\partial p}{\partial t}$ ни $R_c < r < R(t)$ чегарасида монотон камаювчи 3-чизиқни аппроксимацияловчи бирор бир функция билан алмаштириш имкони йўқмикан деган савол туғилади. Мана шу саволга

жавобан (5.35) тенгламанинг ўн томонида $F(t) \ln \frac{R}{r}$ билан алмаштирайлик [], яъни

$$\frac{1}{\chi} \frac{\partial p}{\partial t} = F(t) \ln \frac{R}{r} \quad (5.63)$$

$$\int_{r_0}^R F(t) r \ln \frac{R}{r} dr = \int_{r_0}^R \frac{1}{\chi} \frac{\partial p}{\partial t} r dr \quad (5.64)$$

$\ln \frac{R}{r}$ функция ва $r=R_0$ да ўзининг максимал қиймати $\ln \frac{R}{R_0}$ ни қабул қилади ва $r=R$ да $\ln 1=0$, яъни ўз хусусияти билан расмдаги монотон камаювчи 3-чиизиқни аппроксимациялайди, чунки $F(t)$ функция $\frac{1}{\chi} \frac{\partial p}{\partial t}$ нинг ўртача қийматига тенглиги сабабли материал баланс шarti бузилмаслигини таъминлайди. (5.63) га мувофиқ (5.35) тенгламани;

$$\frac{1}{r} \frac{\partial}{\partial r} \left(r \frac{\partial p}{\partial r} \right) = F(t) \ln \frac{R}{r} \quad (5.65)$$

кўринишда ёзишимиз мумкин.

Бунда (5.36)-(5.38) бошланғич ва чегаравий шартлар ўрта қийматлар усули қўлланилгандагидек (5.40)-(5.44) шартларга ўтади.

(5.56) тенгламани r бўйича интегралласак.

$$r \frac{\partial p}{\partial r} = F(t) \left(\frac{r^2}{2} \ln \frac{R}{r} + \frac{r^2}{4} \right) + C_1 \quad (5.66)$$

ҳосил қиламиз, ва (5.40), (5.41) шартлар бажарилишини галаб қилсак. $R^2 \ll r^2$ эканлигини ҳисобга олиб, унча мураккаб бўлмаган амалларни бажариш натижасида

$$C_1 = Aq \quad (5.67)$$

$$F(t) = \frac{4Aq}{R^2} \quad (5.68)$$

эга бўламиз.

Демак
$$r \frac{\partial p}{\partial r} = - \frac{4Aq}{R^2} \left(\frac{r^2}{2} \ln \frac{R}{r} + \frac{r^2}{4} \right) + Aq$$

Ҳосил бўлган тенгламани интегралласак

$$P = - \frac{Aqr^2}{R^2} \ln \frac{R}{r} + Aq \ln r - Aq \frac{r^2}{R^2} + C_2 \quad (5.69)$$

куринишдаги натижага келамиз.

(5.42) шартни бажариш талаби

$$C_2 = P_0 - Aq(\ln R - 1)$$

беради ва ечим

$$P = P_0 - \frac{Aqr^2}{R^2} \left(\ln \frac{R}{r} + 1 \right) - Aq \left(\ln \frac{R}{r} - 1 \right) \quad (5.70)$$

кўринишда бўлади.

Ўрта қийматлар усулини қўллагандаидек $R(t)$ қийматини топиш учун тенгламадан $\frac{dP}{dt}$ ифодасини топиб, уни (5.64)га қўйиб интеграллаш амалини бажарсак

$$\frac{AqR'R}{8\chi} = Aq \quad (5.71)$$

ёки

$$R \frac{dR}{dt} = 8\chi \quad (5.72)$$

келиб чиқади.

(5.72) тенгламани интеграллаб, (5.44) шартини бажарилишини талаб қилсак

$$R = \sqrt{R_0^2 + 16\chi t} \quad (5.73)$$

эканлигини топамиз.

Демак, таклиф қилинган усул бўйича (5.35) - (5.38) масаланинг ечими (5.70) ва (5.73) формулалари орқали берилади.

Ўрта қийматлар усули ёрдамида олинган ечим (5.48), (5.51) ва такомиллаштирилган ўрта қийматлар усули билан (5.70), (5.73) бир хил шароит учун олинган ечимлар ўзаро таққосланганда, қудуқ таъсир доирасининг радиуси (5.73) формулада (5.51) га нисбатан $\sqrt{2}$ марта катта эканлигини кўрамиз. Бу иккала усул ёрдамида ҳисобланган босим қийматлари ((5.48) ва (5.70) формулалар бўйича бажарилган Ҳисоб натижалари) орасидаги максимал фарқ 10%дан кўпроқни ташкил этади. Такомиллаштирилган ўрта қийматлар усули бўйича олинган босим қийматлари барча нуқталарда ўрта қийматлар усули берадиган натижаларданашта эканлиги ва максимал фарқ қудуқ даврида бўлиб ундан узоқлашган сари камайиб юлга интилиб бориши кузатилади. (5.35) тенглама учун бошқа чегаравий шартларда қўйилган масалалар ҳам шу йўсинда ечилади.

Сууюқлик ва газларнинг дарзли ғовак муҳитда сизилиши

Дунё газ ва нефт захираларининг аксарият қисми дарзли ғовак муҳитда жойлашган. Бундай тоғ жинсларида жойлашган конларни самарали ишлатиш, дарзли ғовак муҳитда сууюқлик ва газларнинг сизилиши масалаларининг тадқиқоти билан бевосита боғлиқ.

Замонавий талқинларга мувофиқ, кўп сонли тармоқларга эга бўлган дарзлар билан ўзаро ажратиб қўйилган ўтказувчан, ғовак тоғ жинслари бўлақларидан иборат бўлган муҳит, дарзли ғовак муҳит дейилади. Бунда дарзли ғовак муҳит узлуксиз муҳит сифатида қабул қилиниб, унинг ҳар бир нуқтасида ҳам ғовак бўлак, ҳам дарзлар мавжуд дейилади ва ғовак муҳитдан фарқли ўлароқ, ҳар бир нуқтада босимнинг икки қиймати-ғовак бўлақлардаги босим қиймати P_2 ва дарзлардаги босим қиймати P_1 киритилади. Шунингдек иккита тезлик векторлари - дарзлардаги сизилиш тезлиги U_1 ва ғовак бўлақлардаги сизилиш тезлиги U_2 киритилади.

Дарси қонунига мувофиқ

$$U_1 = -\frac{k_1}{\mu} \text{grad} P_1 \quad (6.1)$$

$$U_2 = -\frac{k_2}{\mu} \text{grad} P_2$$

k_1, k_2 - мос равишда дарзлар ва ғовак бўлақларнинг ўтказувчанлик коэффициентлари.

Ғовак бўлақлар ва дарзлар ўртасидаги ўзаро модда алмашинуви жараёни вақтга бевосита боғлиқ эмас, деб қабул қилинганда, (умуман олганда қисман барқарор - квазистационар) бу жараёнини ифодаловчи функция қуйидагича берилиши мумкин.

$$q = \frac{\alpha \rho}{\mu} (P_2 - P_1) \quad (6.2)$$

бу ерда α - ўлчов бирлигига эга бўлмаган, дарзли ғовак муҳит хусусиятини ифодаловчи янги параметр.

Модда сақланиш қонуни дарзлар ва ғовак бўлақлар учун узлуксизлик тенгламалари билан ифодаланади.

$$\text{div}(\rho U_1) = \frac{\partial(m_1 \rho)}{\partial t} + q \quad (6.3)$$

$$\text{div}(\rho U_2) = \frac{\partial(m_2 \rho)}{\partial t} - q \quad (6.4)$$

Келтирилган (6.1) - (6.4) тенгламаларни сууюқлик ёки газлар учун ҳолат тенгласи,

$$\rho = \rho(p), \quad p = p_1, p_2 \quad (6.5)$$

ва дарзли ғовак муҳитининг дефформацияланишини қонуниятини

$$m_1 = m_1(p_1, p_2), m_2 = m_2(p_1, p_2) \quad (6.6)$$

билан тўлдирилса саккиз номаълум, икки босим қиймати ва тезликларнинг ўқлар йўналишини бўйича учтадан олтига компонентини топиш учун саккизга тенгламадан иборат тўлиқ системага эга бўламиз.

Хусусан, биржинсли, қайишқоқ дарзли ғовак муҳитда кам сиқилувчан суюқликларнинг сизилишини ифодалаш учун (6.1)-(6.6) системадан қуйидаги тенгламалар системасини ҳосил қиламиз.

$$\frac{k_1}{\mu} \nabla^2 p_1 = (\beta_{1,1} + m_1 \beta) \frac{\partial p_1}{\partial t} - \frac{\alpha}{\mu} (p_2 - p_1) \quad (6.7)$$

$$\frac{k_2}{\mu} \nabla^2 p_2 = (\beta_{1,2} + m_2 \beta) \frac{\partial p_2}{\partial t} - \frac{\alpha}{\mu} (p_2 - p_1)$$

Бу ерда $\beta_{1,1}$, $\beta_{1,2}$, β мос равишда дарзлар, ғовак бўлақлар ва уларда сизилаётган суюқликларнинг қайишқоқлик коэффициентини.

(6.7) система-дарзли ғовак муҳитда суюқликлар сизилишининг тўла тенгламалар системаси деб юритилади.

Дарзли ғовак муҳит ғоваклиги умумий ҳажмининг асосий қисминини ғовак бўлақлардаги ғоваклик ҳажми ташкил қилишини, яъни $m_1 \ll m_2$ ва $\beta_{1,1} \ll \beta_{1,2}$, айни вақтда, дарзлар системаси ўтказувчанлиги ғовак бўлақлар ўтказувчанлигига нисбатан жуда катта $k_1 \gg k_2$ эканлигини ҳисобга олсак, (6.7) дан қуйидаги системани ҳосил қиламиз.

$$k_1 \nabla^2 p_1 = -\alpha (p_2 - p_1) \quad (6.8)$$

$$(\beta_{1,2} + m_2 \beta) \frac{\partial p_2}{\partial t} = -\frac{\alpha}{\mu} (p_2 - p_1)$$

Бу система дарзли ғовак муҳитда суюқликлар сизилишининг соддалаштирилган тенгламалар системаси номини олган.

(6.8) тенгламалар системаси дарзларда жойлашган модда миқдорини ҳисобга олмайди, бунда дарзлар фақат модданин қудуқлар томон ҳаракатини таъминловчи каналлар вазифасин бажаради. Дарзлардаги модда миқдорини ҳисобга оладиган бўлсак,

$$\frac{k_1}{\mu} \nabla^2 p_1 = [\beta_{1,1} + m_1 \beta] \frac{\partial p_1}{\partial t} - \frac{\alpha}{\mu} (p_2 - p_1) \quad (6.9)$$

$$(\beta_{1,2} + m_2 \beta) \frac{\partial p_2}{\partial t} = -\frac{\alpha}{\mu} (p_2 - p_1)$$

системага эга буламиз. (6.9) система дарзли ғовак муҳитда суюқликлар сизилишининг қисқартирилган тенгламалар системаси номини олган.

Келтирилган тенгламалар системаларини солиштириб, қисқача таҳлил қилсак қуйидагиларни таъкидлашимиз мумкин.

Тула тенгламалар системаси (6.7) бўйича, ғовак бўлакларда жойлашган модданинг қудуқлар томон ҳаракати дарзлар системаси орқали (модда алмашишни жараёнини ҳисобга олувчи ҳаднинг таъсири остида) ҳамда бевосита ғовак бўлаклар орқали амалга оширилиши мумкин. Чунки $v^2 p_i$ ҳаднинг мавжудлиги ғовак бўлакларни бир-бири билан бевосита боғлаб, узлуксиз муҳитни ташкил қилиш имконини беради.

Демак, бирор-бир ғовак бўлакдаги модда заррачаси дарзларга ўтмасдан бир ғовак бўлакдан иккинчи ғовак бўлакка ўта олиш ва шу йўсинда қудуқ тубигача етиб келиш имконига эга бўлади. Бу эса ушбу бобнинг бошланғич қисмида дарзли ғовак муҳитга берилган таърифга зид бўлиб чиқади.

Чунки келтирилган таърифга мувофиқ, дарзли ғовак муҳит - кўп сонли тармоқларга эга бўлган дарзлар билан ўзаро ажратиб қўйилган, ўтказувчан ғовак бўлаклардан иборат дейилган эди. Шунинг билан бирга дарзлар системасининг ўтказувчанлиги ғовак бўлаклар ўтказувчанлигига нисбатан жуда катта ва умумий ғоваклиги ғовак бўлаклар ғоваклигига нисбатан жуда кичиклиги натижасида қудуқдан бир хил масофадаги исталган нуқтада дарзлар системасидаги модда босими ғовак бўлаклардаги модда босимидан кичик ёки тенг бўлиши муқаррар, яъни

$$P_1(x, y, z, t) \leq P_2(x, y, z, t).$$

Демак, дарзлар системасидаги исталган заррача ғовак бўлакка сизилиб қирмайди (гетероген сизилишнинг баъзи махсус масалалари бундан мустасно). Ҳулоса қилиб айтганда дарзли ғовак муҳитда захиранинг асосий қисми ғовак бўлакларда жамланган бўлиб, модданинг қудуқлар томон ҳаракати дарзлар системаси орқали рўй беради.

Юқорида келтирилган (6.9) тенгламалар системаси худди ана шундай ҳаракатнинг математик модели бўлиб хизмат қилади.

(6.9) системани янада соддалаштириш мақсадида (6.8) системага ўтиш, биринчидан, дарзлардаги бошланғич модда миқдорини ҳисобга олмайди. Иккинчидан, тадқиқотларнинг кўрсатишича, чегаравий масалаларнинг қўйилиши ва уларни ечишнинг турғун алгоритмларини яратиш бир мунча мураккаблашиб, қўйилган масалаларни ечиш имконияти чекланиб қолади.

Демак, дарзли ғовак муҳитда суюқликларнинг сизилиши математик моделлари орасида қисқартирилган система (6.9) дарзли ғовак муҳитга берилган таърифга ҳам мос, ҳам ечим олиш нуқтан назаридан энг қўлай система экан.

Бундан ташқари дарзли ғовак муҳитда дарзлар ва ғовак бўлакларнинг ўзаро модда алмашиш жараёни барқарор бўлмаган ҳолдаги тенгламалар системасидан шартли равишда турғун ҳолдаги система келтириб чиқарилганда у айнан (6.9) система кўринишига эга бўлиши [1] да кўрсатилган.

Дарзли ғовак муҳитда газларнинг сизилиши тенгламалари (6.1)-(6.6) дан мос равишдаги ҳолат тенгламасини (6.5) қўллаш йўли билан келтириб чиқарилади.

Ғовак муҳитда модда сизилиши масалаларини ечиш учун қўлланилган барча усуллар, дарзли ғовак муҳитда модда сизилиши масалаларини ечишга ҳам қўлланилиши мумкин.

Ғовак муҳитда кўпкомпонентли қоринмаларнинг сизилиш тенгламалари

Табиий газлар ўз таркибига кўра кўп компонентли қоришма бўлиб, унинг ҳар бир компоненти метан гомологик қаторидаги маълум бир углеводород ёки углеводородлар гуруҳасидан иборат.

Ғовак муҳитда бундай қоришмаларнинг сизилишида, қатламдаги термобарик шароит ҳамда қоришма таркибига кўра, бир фазали (газ) ёки икки фазали (суюқлик ва газ) ҳолатдаги моддаларнинг ҳаракати рўй беради.

Кўп компонентли қоришмаларнинг икки фазали ҳаракати, ғовак каналлар системасида газ ва суяқликнинг ҳаракати давомида ўзаро модда алмашинуви билан боғлиқ жараён сифатида қаралиши мумкин.

Ғовак муҳитда ҳаракат тезлигининг унча катта бўлмаслиги ва қатлам тоғ жинслари иссиқлик сиғимишнинг жуда юқори бўлишини ҳисобга олсак, қоришмаларнинг сизилиш жараёни изотермик шароитдан четлашмаслигига амин бўламиз.

Бундай ҳаракатни математик жиҳатдан тавсифлаш учун компонентлар массаси баланс тенгламасини тузиш kifоя.

Агар сизилаётган қоришма n компонентдан иборат десак, барча хусусий ҳолатларни ўз ичига олган, умумлашган ҳол - бу қатламда (ғовак муҳитда) ўзаро қоришадиган суяқ ва газ ҳолатидаги фазаларнинг сизилиши бўлади.

Умумлашган Дарси қонунга мувофиқ бу фазалар учун

$$U_i = \frac{KK_i}{\mu_i} gradP, \quad U_i = -\frac{KK_i}{\mu_i} gradP \quad (8.1)$$

деб ёзишимиз мумкин.

Бунда K_C , K_G - суяқ ва газ фазалари учун нисбий ўтказувчанлик коэффиценти.

Ҳар бир i -компонент сизилиш жараёнида ҳам газ, ҳам суяқ фазалар таркибига киради.

Шу сабабли i -компонентнинг жамланган оқими массаси учун

$$V_i = V_i \rho_i l_i + V_i \rho_i g_i, \quad i = \overline{1, n} \quad (8.2)$$

муносабат ўринли бўлиди.

Бу ерда:

ρ_C, ρ_G - мос равишда суяқ ва газ фазаларининг зичлиги;

l_i, g_i - i - компонентнинг мос равишда суяқ ва газ фазалари масасидаги улуши;

n - қоришма таркибидаги компонентлар сони.

i - компонентнинг қатлам элементар бирлик ҳажмидаги массаси

$$M_i = m(S_i \rho_i l_i + S_G \rho_i g_i) \quad (8.3)$$

муносабат билан аниқланади.

Бу муносабатда:

S_{κ} - қатлам элементининг суюқлик билан ғўйинганлик коэффициентини;

S_{Γ} - газ билан ғўйинганлик коэффициентини.

Узлуксизлик тенгнамаси ва (8.1)-(8.3) муносабатлар асосида ғовак муҳитда n - компонентли қоришманинг икки фазали сизилишини фойдаловчи дифференциал тенгнамалар системасини ҳосил қиламиз

$$d\ln\left[\kappa\left(\frac{K_{\kappa} \rho_{\kappa} l_{\kappa}}{\mu_{\kappa}} + \frac{K_{\Gamma} \rho_{\Gamma} g_{\Gamma}}{\mu_{\Gamma}}\right) grad P\right] = m \frac{\partial}{\partial t} (S_{\rho} l + S_{\rho} \rho_{\Gamma} g_{\Gamma}); \quad i = \overline{1, n} \quad (8.4)$$

Олдинги бобларда ғовак муҳитда суюқлик ва газларнинг барқарор бўлмаган сизилиши тенгнамаларини келтириб чиқаришда биз, мос равишда, суюқлик ва газлар ҳолат тенгнамаларидан фойдаланган эдик. Унда сизилаётган модда зичлиги босимнинг бир қийматли функцияси сифатида маълум эди. Шу сабабли суюқлик ва газларнинг ғовак муҳитда барқарор бўлмаган сизилиш тенгнамалари фақат босимга нисбатан ёзилган эди.

(8.4) тенгнамалар системасига кирган параметрлар фақатгина босим функцияси бўлмай, қоришма таркибидagi компонентлар термодинамик хусусиятларига ҳам боғлиқ, яъни:

$$\begin{aligned} \mu_{\kappa} &= \mu_{\kappa}(p, l_1, l_2, \dots, l_n) \\ \mu_{\Gamma} &= \mu_{\Gamma}(P, T, g_1, g_2, \dots, g_n) \\ \rho_{\kappa} &= \rho_{\kappa}(p, l_1, l_2, \dots, l_n) \\ \rho_{\Gamma} &= \rho_{\Gamma}(P, T, g_1, g_2, \dots, g_n) \end{aligned} \quad (8.5)$$

Кўп компонентли қоришмаларнинг ғовак муҳитда сизилиши массаларини ечиш учун (8.5) муносабатда кўрсатилган параметрлар аниқланиши зарур.

(8.4), (8.5) тенгнамалар қатламнинг исталган нуқтасида суюқ ва газ фазалари орасида локал термодинамик мувозанат шартлари бажарилган ҳолда ўришли бўлади.

Локал термодинамик мувозанат шартлари қатламнинг исталган нуқтасида фазалар орасида босим ва температура тенглигини ҳамда i - компонент учун суюқ ва газ фазалардаги кимёвий потенциал ёки активлик тенглигини талаб қилади

$$\varphi_{\kappa} = (P, T, l_1, l_2, \dots, l_n) = \varphi_{\Gamma} = (P, T, g_1, g_2, \dots, g_n); \quad i = \overline{1, n} \quad (8.6)$$

Шуни таъкидлаб ўтиш жонзки, кимёвий потенциал φ , кимёвий ва физик - кимёвий жараёнларда, айнан, термик жараёнларда - ҳарорат, механик жараёнларда - босим ўйнаган ролни бажаради.

Бундан ташқари ғовак муҳитнинг фазалар билан ғўйинганлиги ва қоришма таркибига кирган компонентларнинг массавий улуши

таърифларидан келиб чиқадиган қуйидаги қўшимча шартлар эътиборга олинмоғи керак

$$\left. \begin{aligned} \sum_{i=1}^n l_i &= 1 \\ \sum_{i=1}^n g_i &= 1 \\ S_r + S_c &= 1 \end{aligned} \right\} \quad (8.7)$$

Шундай қилиб, (8.5) - муносабатда келтирилган параметрлар аниқланган ҳолда (8.4), (8.6) ва (8.7) тенгламалар, $2n+3$ номаълум миқдорларга (l_i , g_i , P , S_c , S_r) нисбатан ёзилган $2n+3$ та тенгламалар системасини ташкил қилади.

Кимёвий потенциал ёки активликни ҳисоблаш усуллари кўп компонентли қоришмалар термодинамикасида фазалараро мувозанат масалаларини ечишда кўрсатилади. Кимёвий потенциални ҳисоблаш усуллариининг мураккаблиги ва махсус билимлар талаб қилиши туфайли биз бу ерда масаланинг қўйилиши билан чекланамиз.

Маърузалар матни дастур асосида ёзинганлиги кафедра мажлисида кўриб чиқилган ва тасдиқланган.

1. Маъруза	4
2. Маъруза	6
3. Маъруза	11
4. Маъруза	15
5. Маъруза	20
6. Маъруза	27
7. Маъруза	29
8. Маъруза	33
9. Маъруза	36
10. Маъруза	39
11. Маъруза	42
12. Маъруза	45
13. Маъруза	49
14. Маъруза	53
15. Маъруза	56
16. Маъруза	59
17. Маъруза	61
18. Маъруза	64
19. Маъруза	68